


KUMANA KALUNGA NAHASE KWALUMUNA VISHINGANYEKA VYENYI HA LIZU LYENYI?

 Echa etu tunongame mitwe yetu. Ove Mwata Yesu, etu twakunguluka cheka mu Lijina Lyove, na kutonda chachinene ha kuhingununa cha Ngolo ja kuhizumuna ja Kalunga kuneha kuli etu kutachikiza chihela chetu na kahela, kaha na milimo yetu, nge kupwa vathu vakusanyika, vakuhandunuka kufuma kukaye, wakukujika kuli Kalunga. Tuhane, Mwata, ufukuuno, nge kukisula cha Kalunga mwaya nakututwaminyina etu muvyuma etu tweji kulinganga mokomoko kuhanjika, mangana chinehe kavumbi na upahu ku Lijina Lyove. Amena.

² Ngunawahilila kukinduluka muliuka ufukuuno na kupwa na enu vathu vamwaza. Kaha Ngunatachikiza chili chakuzuma, oloze Ngwasanyikile pwevo lyami, Ngunashinganyeka echi chinapu nayite ya chumachimwe kuze, nayite faifi mokomoko nayite sikisi mokomoko chumachimwe, kaha echi chinapu chakuzuma kuhambakana kuno. Shikaho Nguli nakupwa wakwijilila kungonde yakuzuma jino. Shikaho, oloze Ngunawahilila kupwa hano ha mbalaka ha lwola lwamwaza lwa Paseka.

³ Kaha Kangweshi kuhasa kuhanjika nge Nanguya nakulikonekela hali echi nakushimbula ko, Mujimbu chimene chino, oloze Ngwa. . . Echi chapwile, Kangwazangile—kutonda kuvwala kukakachila chove kaha jino twaya kuno ufuku uno. Oloze Ngwa—Ngwatondele ku—kumbata ou Mujimbu kuli enu, nge ove unapu chihanda cha kusanguka. Talenu? Kaha kanda kulizakamina hali Echi, chekako, talenu. Wahilila kaha hali Echi! Kakweshi chuma, kakweshi kumwe, nahase kulihandununa kufuma kuli Echi; kakweshi chuma chimweko; kukiwiwa cha Hayamyaka mu Wangana wa Kalunga. Omwo Kalunga nahake Katachikijilo Kenyi hali enu, enu muli kumakumishilo a makumishilo.

⁴ Omu fulumende kuhaka katachikijilo hakulongejeka, jila ja jaji kupwa na katachikijilo ha chikolo, mangana motoka yihone kukwataho palanga kuheta kumakumishilo.

Omwo Kalunga mwahaka Katachikijilo Kenyi hali muthu, kaha Katachikijilo kanapu Shipilitu Wajila, omwo Ikiye atangile muthu nge ngachize, ikiye ayile kumakumishilo a Hayamyaka.

Kanda cheka numba kuya, nakukinduluka, chekako. Mwomwo anuka, Efwesu 4:30 ngwayo, “Kanda kuyengetesa Shipilitu Wajila wa Kalunga ko, uze enu vamijika lyehi ha lwola lwosena.” Talenu, ove unapu wakujika hayamyaka. Ove vakujika, Hayamyaka, mu Wangana wa Kalunga, hali Shipilitu Wajila. Jino shinganyeka hali chize!

⁵ Kahajino, ove, liyavolo mwaya nakukushindakana ove, kaha ikiye mwaya nakuhanjika vyuma vyosena kuli ove, kaha kumuhana mulonga ove, kaha—kaha kweseka kumilingisa enu kushinganyeka nge kamweshi ngochoko. Oloze kanda kwivwulila kuli ikiye.

⁶ Jino, munatachikiza enu munafumu mukufwa nakwingila mu Kuyoya. Munatachikiza chuma chize ove lwola muka wazangile, ove kanda kuzanga chekako. Unatachikiza nge ove unafwelela kala Lizu Iya Kalunga. Enu munamono Kalunga alinakuzachila mukachi ketu, chakuzeneka... Chinjikizo chivene chize Ikiye apwa “NGWAPWA.” Ove unatalisa nge chuma vakiko vanahanjika mu Lijina Lyenyi, kanda kupwenga chumachimwe vanapolofweta mu Lijina Lyenyi oloze chuma kaha chasolokele mujila chalingikile. Numba ku sayasi, mapepa amijimbu, kusoneka, vakakusoneka, vyuma vyosena, atela kutachikiza. Talenu, chipwethuhu vakiko vanatondo mokomoko nduma, Kalunga eji kuvalingisa kulinga ngachize, mwosena omwo, talenu, kuchilingisa echi kutachikiza.

⁷ Jino, hakupwa lizavu lyalindende. Anuka, echi kacheshi lizavu lyalinene lize Ikiye ejile. “Kanda kwivwa womako, utanga waundende; chinapu kuwaha cha Senu. . .” Talenu?

⁸ Ngwatondo kuseza eli lizu na eni, kukomwesa, shimbu kanda etu rupwenga na kuwavisa vakakuzata. Kaha echi chinapu chuma chakukomwesa, oloze enu munahase kutachikiza. Jino, Kangweshi nakuhanjika nge echi chili vene nambala, oloze Nguli nakutonda kuseza echi na enu.

⁹ Ngunahono kutachikiza nge vathu jami muno vamaona lyehi vangombe vakufutula. Chize, Kangwafwelela muli echiko, oloze Ngwatalile. Kaha Ngunamono kumbata mbuto ya lunga, kupwa chakutamo, vanahase kukwata ha chikungo chachindende, nge kamutondo kakulijokesa mukanwa, kaha kupwa ha chihanda cha likala. Kaha kwalumuna aze mangilashi akutohwesa, Ngunahono kutachikiza kapapa kangahi, palanga uze mbuto ya lunga. . . Kuze ove kaweshi kuhasa kuhoina kumona chumako na liso lyauthu, kala ngilasi. Oloze omu navayitohwesa, handulendi mokomoko handulendi na fifite kuvulisa, ove unahase muli kaze kalimata kamqwe kakandende, ka mbuto yalunga, pamo fifite nakutwala ku handulendi tututu kukinanakujinguluka. Nawa, muli pwevo eji kwizanga kumaulu amavulu, mu—mu mbuto ya lunga. Jino, omwo vakiko vali—vali vakuneha hamwe, jino, chatete vavali kuliwana na kulinunga cha. . .

¹⁰ Kuli kaha umwe kaha kufuma muli miliyoni kuya nakuyoya. Ove washinganyeka kaho hali chize? Vakiko vanapu katutu youmwe, kaha liulu lyolimwe, osena avali kupwa mumwe, oloze kuli kaha umwe mwayoya. Kaha chize keshi kujinako umwe mwalivanga chatete. Mwomwo, lwola lumwe liulu, kunyima chikuma, kaha kambuto kahase kupwa hakachi ka mbuto ya lunga, kaha vakiko navaya nakukalava hali umwe namukwavo. Echi chinatondeka mangana kutachikiza nge nachiya nakupwa kanyike walunga mokomoko wapwevo, mutwe uchila, mutwe ulava, mokomoko chuma muka. Echi chinapu kusakula cha Kalunga. Echi kacheshi kuhasa kupwa chumako. Kusakula!

¹¹ Numba mukusemuka cha chisemwa, kusakula, nge nachiya nakupwa kanyike walunga mokomoko wapwevo, mokomoko kalachuma nachiya nakupwa. Kaha omu kaze kakandende kuhala nakwingila mukali ulu kakandende, kaha kamukila kakandende kufuma, kuputuka mutanda wa kemba wakala kufuma haze; kanyama, kemba, mokomoko kala mwosena chili. Kaha vosena tututu miliyoni. . . Miliyoni ya maulu, tututu ya miliyoni, kaha umwe kaha mwayoya. Vyosena vyovimwe, oloze Kalunga kusakula ha kusakula chuma nachiya nakuyoya, kaha vosena muli vakiko kunonga. Umwe kufuma mu miliyoni!

¹² Omwo Isalele asele Ejipitu, vakiko vosena vafwelelele mu mujimbu umwe wa kapolofweto. Vakiko vamwene vinjikizo vya Kalunga, hali Mose. Vosena mulivakiko amwene vakiko. Kaha vakiko vosena valovokele mu Ejipitu, na kutambuka kuhita mu Kalungalwiji Uchila, kaha vava jimikile muli Mose. Umwe wosena amwene ngolo ja Kalunga jikwate ikiye, omwo ikiye embile mu Shipilitu; kaha omu Miliyame kuveta kangoma, kulaha oku noku kungenge. Umwe wavo, kala ufuku, kulya vituta, mana ya mwilu kufuma muutangatanga. Vosena vaze vanuine kufuma ku Lilolwa lya kushipilitu lize vavetele. Kaha kuze kwapwile vathu tu miliyoni vasele Yijipitu. Vangahi vashikile lifuchi lya lushiko? Vavali. Umwe mukachi ka miliyoni! Kulihi vakiko vosena? Yesu ngwenyi vakiko vanongele. “Vakakuluka jenu valile mana muze mupambo, tando ya myaka seti, kaha Ngunahanjika kuli enu nge vakiko vanapu vakufwa.”

¹³ Jino kuli pamo faifi handulendi miliyoni Vakakulishitu muno mukaye ufukuuno, kulava va Katolika, Vakakulikanga, na vosena. Kachi Yesu atela kwiza muli chize Kuhukula, kutesekesa nomu Ngunahanjika kaha, kuze nakuya nakupwa na faifi handulendi kujimbalisa muno mukaye naufuku, mu Kuhukula. Kaha vakiko pamo vapwilenga ngachize hakumbi hakumbi, kulava mafuchi osena, chize kavachilavilengako. Shikaho echi chinahase kupwa kala lwola, talenu.

¹⁴ Mamalelo, Vakakulishitu, echa tupandame vitwa vya Kalunga. Echa etu kulinga vyosena vize etu tunatachikiza, kuzachila Ikiye, kumuzanga Ikiye, na kuvandamina ha lwola lwalunene.

¹⁵ Jino, kakweshi kuya nakupwa jimiliyoni na mayongomena kulovoka kufuma muchisemunuino na kuya nakwingila. Kuze—kuze kakweshi kupwako.

Jino, anuka, hakala likumbi kukuma na chisemunuino, hakala likumbi. “Nge muze chapwile mumakumbi a Nowa, shikaho mukiko nachikapwa na kwiza cha Mwana muthu, muze myono eyiti valwilile na meya.” Oloze kala likumbi kukuma na myaka fwote hali muthu umwe, hali vamwe. Talenu? Kaha kala likumbi. shikaho vavavulu kupwa vakujika kufuma mu Wangana, Likukmbi limwe, likumbi lya makumishilo naliya nakwiza.

Echa tupwenga vakukunyuka jino, shimbu etu tuli muvishinganyeka vyetu. Kaha muliuka, kaha mukachi ka vathu, muze Shipilitu Wajila shikaho nalisolola Lyavene na etu, echa tupwenga vakukunyuka nge vyuma vyosena vili vya kwoloka, kaha twama kanawa, kumeso a Ikiye.

¹⁶ Kanda kwimanako. Kanda kunoka, likumbi na ufuku, palanga jize Ngolo jakuhizumwisa kukuneha kufuma mu vyuma vya kaye, kwingila mu Wangana wa Kalunga. Kaha enu mwamuchano vananehe mu Wangana wa Kalunga na kuchiyoyesa ha Shipilitu ya Kalunga, omwo kuwahilila! Na masoji a kuwahilila etu twatela kupwa hamambuli etu, likumbi na ufuku, kusakwilila Kalunga ha chuma Ikiye nalingi.

¹⁷ Ufuku uno etu kupwa chindende kwalumuka muketanga. Etu tukwechi ndumbu walunga wamwaza hano, Ndumbu walunga Capp. Ikiye ejile kuli etu kufuma muliuka lya Nazaleni. Kaha Ngwashinganyeka echi chakwoloka, Ndumbu walunga Capps? Ikiye ali nakufwila ufukuuno kupwa wakatongola kuli etu, ha kunangika mavoko.

¹⁸ Etu katweshi na mapapilo akuhana kuli kalaumwe, ohonyi etu vanatutachikiza nge. . . . Etu tunahase kupwa na mapapilo, oloze etu twafwelela nge muchano, mukakuzata muliuka lyenyi ali Mwilu. Talenu? Kaha ikiye—ikiye ali nalisesa lya kunangula eyi Mbimbiliya kachi nge Kalunga kulisolola chiyoyelo chenyi na Mbimbiliya. Etu kufwelela ulemu nyeni.

¹⁹ Kaha, jino, Ndumbu walunga Capps napunga wakatongola hatoma to mu—mu liuka lya Nazaleni, oloze ufuku uno ikiye atondele vakulwane, kaha na vyangocho, kuhaka mavoko hali ikiye ha kuwavisa, kumbata ou Mujimbu. Chuma kana chaundume!

²⁰ Ngu—Ngunevwu mijimbu kufuma haze Ngwapwile mu Tucson, kaha mijimbu ya mwaza, ya Ndumbu walunga Capps hano mukukafwa chenyi chalikoji kuli Ndumbu walunga Neville, ou nakwata mumunyinyi wa Kumunyika kupwa kaha chindume nge vaze malunga vavali vanahase kukwachilila. Etu tunahake mavoko hali Ndumbu walunga Neville, oloze keshi hali Ndumbu walunga Capps. Kaha Ngwatondo vaze

vali vakakuzata, Ndumbu walunga Jackson na vakwavo, kachi vakiko vali hano, kaha Ndumbu walunga Ruddell na vakulwane va liuka hano, kachi vakiko navaya nakwiza hano muminyutu yayindende jino, kaha kunangika mavoko hali Ndumbu walunga Capps. Kaha va . . .

²¹ Jino etu tunawane, mu Mbimbiliya, omu mukiko mujila vakiko valingile, vakiko kuhaka mavoko hali vakiko nakuvahaka hamwe. Kaha omu mukiko mujila vakiko valingile na Chimoteu. Ambile ngwenyi, “Kuhichila muli ou wana uze wapwile muli ove, kufuma kuli kaka wapwevo Lois . . .” Vakiko vachimwene echi, nge kuze kwapwile wana muli muthu, ejile kuli ikiye ha mukakunangula, ha kunangika mavoko.

²² Jino, vandumbu va mulikumbi lya makumishilo, vandumbu va vula yamakumishilo, kupwa, kuhita, chize kulifukula. Vakiko vashinganyekele vakiko amuhanyine wana, ha kulinga chize. Nduma, wana uli lyehi wakulizanga muli ikiye, kaha vakiko kupwa kaha mumavoko avo hali ikiye nge kutuma nge vakiko vafwelela nge Kalunga nahake lyehi wana muli ikiye. Kaha vakiko kutuma, ha kunangika mavoko.

²³ Kaha ava malunga hano muli eli liuka, nge Ngwafwelela nge chinahete mu mwono wavo na Ngolo Jenyi jakuyoyesa; kachi enu vandumbu vamaalunga navaya nakwiza jino, Ndumbu walunga Ruddell na enu voseni muli muno muliuka, kaha vakulwane na maka ava vandumbu vamaapwewokujinguluka, kuhaka mavoko hali Ndumbu walunga Capps, mangana vahase umuwavisa ha kutuma, shimbu kanda eli lizavu, na kutuma kunangula Mujimbu wamwaza wa Mwata Yesu, kala kwosena Kalunga nahase kumusanyika. Ikiye mweza . . .

Ikiye ali lyehi na etu, ha Kusemuka. Ikiye ali umwe wetu mwomwo ikiye afwelelele Mujimbu. Ikiye napu umwe wetu mwomwo nge—nge ikiye emana ha Muchano wa Lizu. Kaha etu twatondo Ndumbu walunga Capps kupwa hatoma, kumeso enu, ha kunangika mavoko, nge ikiye napu umwe wetu.

Eyo, Ndumbu walunga Ruddell, Ndumbu walunga Capps, Ndumbu walunga Neville. Ndumbu walunga Junior Jackson, kala vakakuzata hano, Ngunahono kutachikiza vangahi vali kuze. Kangweshi . . . Ngwashinganyeka vakiko vakwechi kutangisa chavo ufukuuno. Shikaho twaya kuno, Ndumbu walunga Capps.

Jino Ndumbu walunga Hunter na vakiko kufuma ku New York, Ngwa . . . Ndumbu walunga Anthony? Ngwashinganyeka vakiko vakindulukile. [Ndumbu walunga Neville ngwenyi, “Kuli Ndumbu walunga Anthony kunyima kuze.”—Muka.]

Kala enu veka vali hano, ali na etu, mwomwoika, etu natuya nakupwa vakuwahilila hali enu kwiza hano na kwimana na etu jino, nge kwitavila nge etu twafwelela Ndumbu walunga Capps kupwa . . .

Vangahi muli enu hano munatachikiza Ndumbu walunga Capps? Zundula livoko lyove. Chosena chakwoloka, haka livoko lyove hamavu. Vangahi vafwelela ikiye kupwa ngamba ya Kalunga? Katulenu mavoko enu. Etu twamuzanga ikiye, nge ndumbwetu walunga.

²⁴ Jino echi kacheshi vene chakwoloka mujila etu tunahase kuwavisa, oloze Ngwatondo eli lizavu, Kangweshi kwimba ou mwasoko, oloze Ngwatondo enu kungukafwa yami kweseka echi.

²⁵ Lize likumbi limwe kapolofweto ayile kukamenga, mu tembele. Kaha shimbu ikiye apwilenga kuze ku tembele. . . Ikiye apwilenga muthu wamwaza, oloze ikiye napunga kaha nakuhaka mavoko hali Ujiya mwangana, kaha ikiye apwile nge—ikiye apwile lunga wamwaza. Oloze, likumbi limwe, ha tembele, ikiye amwene chumachimwe, omwo ikiye aholokelele mu chimweno, nge ikiye kanda lyehi amone shimbu kanda. Ikiye amwene Vangelo, na mavava, kutuka nakukinduluka na vyangochi, kuhichila muzuvo, kulila, “Wajila, wajila, wajila, Mwata Kalunga Wakulitulaho!” (Twaya kuno, ndumbu walunga. Yaah. Talenu?) “Wajila, wajila, wajila, Mwata Kalunga Wakulitulaho!” (Ben.)

²⁶ Kaha omu ikiye alingile, mikwilichi ya tembele kututuka. Kaha ikiye ngwenyi, “Mamalelo yami! Mwomwo Ngwapwa muthu wa mivumbo yayipi.” Kupwa Kumeso a Kalunga ikiye atachikijile, nge chipwethuhu kupwa kapolofweto, ikiye napunga wakuhenga. Ikiye ngwenyi, “Yami ngu muthu wa mivumbo yayipi, kaha Ngwatwamine mukachi kavathu na mivumbo yayipi.”

²⁷ Kaha umwe hali Vangelo atukile, kaha ambachile Kakahya ka Kakahya na kukwata mivumbo yenyi, kaha ambile ngwenyi, “Kupolofweta, mwana muthu!”

Munahase kutuhana mwakwimbila, ndumbu wapwevo, kachi ove muya. Vangahi vatachikiza ou mwaso? Echa, vasi yimwe. Chosena chakwoloka.

Nge likala lya Kakahya lyakwachile kapolofweto,

Kulingisa ikiye kupwa utoma to nge omu atela kupwa,

Omwo lize Lizu lya Kalunga ngwalyo, “Hiya mwaya kuli etu?”

Kahajino ikiye akumbulwile, “Yami uno Hano, ngutuma yami.”

[Hatepu hapimbi—Muka.] . . .hanjika, Mwata wami,

Hanjika, kaha Nanguya washu Kukumbulula Ove;

Hanjika, Mwata wami, hanjika, Mwata wami,

Hanjika, kaha Nanguya nakukumbulula,
“Mwata, ngutumu.”

Jimiliyoni jino mushili na sonyi vali nakufwa,
Ivwulilenu kuushona wavo kulila chavo
chachikalu;

Zangulenu, ndumbu walunga, zangulenu
nakulilwila;

Washi kukumbulula, “Mukakunangula, hano
Yami.”

Hanjika, Mwata wami, hanjika, Mwata wami,
Hanjika, kaha Nanguya washi kukukumbulula
Ove;

Hanjika, Mwata wami, hanjika, Mwata wami,
Hanjika, kaha Nanguya nakukumbulula,
“Mwata, ngutumu.”

Echa vakulwane kutambuka nakujujuluka jino na kuhaka mavoko hali Ndumbu walunga Capps. Echa etu tunongame mitwe yetu.

²⁸ Ove Kalunga, mikwilichi ya tembele kuzokoka cheka, kaha nge kumona Shipilitu ya kukola Kuyoya kuzata muli ndumbwetu walunga. Ngwalombo, Kalunga, nge omu ali nakwivwa kufuma Kwilu, nge kuhanjika nge ikiye atela kuya. Etu twakuhaka mavoko hali ikiye, nge vakulwane Jove, Mwata, kaha muhanenu ikiye livoko lya chilyo lya kulikata; kaha kuhaka mavoko hali ikiye, na kunungulula kukisula cha Kalunga hali ikiye, nge Ove muya nakuwavisa mivumbo yenyi, kushinganyeka chenyi, kupwa chenyi chosena. Kaha echa ikiye ambate ou Mujimbu wa Mujimbu wamwaza kuli kala mwaji chize Ove unahase kumusanyika. Tuhanecho echi, Mwata. Etu twakuhane Ove ndumbwetu walunga, nge ngamba ya Yove, mu Lijina lya Yesu Kulishitu. Amena.

²⁹ “Kunangula eli Lizu,” ndumbwami walunga. “Pwenu mugonde, kaha kulovoka mungonde; kwinjikiza, kutenukila, na kuyanda chakutwalilaho na Kunangula.” cha Kalunga akukisule, ndumbu walunga.

³⁰ [Ndumbu walunga Ben Byrant kuhanjika, “Ndumbu walunga Branham, unahase kuhaka mavoko hali yami? Kutala vakiko navakahaka mavoko hali yami? Ngunatondo kupwa wakatongola.”—Muka.] Ove uli...? Kangwakutachikizako ove kawapwilenga nenyiko.

Ndumbu walunga Ben, hano, neza kuli etu. Ngwashingtonyeka ikiye napunga nakunangula ha lwola lunwe. Oloze, ikiye napunga hatoma (Ngwashingtonyeka ikiye apwilenga; ou ukiko mulonga Ngwamusanyikile ikiye.) kutongola, mokomoko mavoko kumuhaka ikiye hano.

³¹ Jino, Ndumbu walunga Ben ali hano kumwe, kaha ikiye napu muthu wamwaza. Ikiye apwilenga mukakunangula. Kaha omwo

ikiye na ndumbwetu walunga apwile wakusomboka, kaha ikiye amunehele ku mbalaka, omu ikiye amwene na kwivwa eli Lizu, ohonyi pwevo wamundende wakalemesa na uthu wakutamo, oloze omu ikiye amwene nge chapwile nakuhenga hali uze pwevo kulinga ngachize, ikiye atulikile kusali; kaha chasolokele kuholokela hali lunga lyenyi. Echi chakwoloka. Echi chinapu chipositolo. Omu mukiko chatela kupwa.

³² Ndumbu walunga Ben kumbata eji jitepu, nge omu Ngunevwushisa, na pwevo lyenyi. Vakiko kuya nakwingila mu-. . . kulovoka mujila ya vihela, kunyima okwo kwingila mujipili, kwingila mumusenge, kaha vakiko veji kuhema eji jitepu na kuhanjika ha jitepu. Lwola lwaluvulu vakiko kulaha nakuya nakulovoka, kuvatapula kuweluka, kuvatapula. Etu twetavila ngachize. “Mwomwo vosena vase veji kuyoyanga mwaukalunga muli Kulishitu Yesu navakaya nakuvayajiwisa.”

³³ Vangahi hano vatachikiza Ndumbu walunga Ben? Vangahi vafwelela ikiye kupwa ngamba ya Kalunga, wakutela echi kukisula chize etu natuya nakuhula Kalunga hali ikiye? Talenu, ikiye keshi ngeji ko. Ikiye napunga hamwe na etu mumyaka na myaka. Ngunatachikiza ikiye kupwa muthu wakulikehesa. Ikiye ali nge yami; ikiye eji kuseukanga kakavulu. Etu vosena tweji kulinganga ngachize. Chuma muka Ngwazanga hali Ndumbu walunga Ben, ikiye ali nakufwila kukalava hamambuli eyi mangana achilinge.

Kaha omwo ikiye ewwile, likumbi likwavo, ha *Kulimbata Na Kulukulula*, ikiye na pwevo lyenyi apwile wakulizanga kulihandununa, mwomwo ikiye amuzanga ikiye, kaha ikiye amuzanga ikiye, oloze vakiko vanatondo kupwa hamwe na Lizu lya Kalunga. Kala chuma Lizu ngwalyo, omu mukiko vatondele. Ngwalombo nge Kalunga mwaya nakukisula Ben na pwevo lyenyi, kukutanga Chenyi.

Echa etu tuhake mavoko hali ndumbwetu walunga.

³⁴ Kalunga Wamwaza, etu kuhaka mavoko hali Ndumbu walunga Ben, ha chinjikizo chize etu twamuzanga ikiye. Kaha etu twafwelela, Mwata, nge ikiye ali nakufwila kulinga mulimo wa Ove, kupwa wakutuma na eji jitepu, kuvahemesa hakachi ka pili ya vathu mujila yakufuma muvihela kuze pamo etu vavavulu natuhona kupwa nacho, oloze Mujimbu watela kuya kuyake kwosena. Etu twalombo nge Ove muya nakukisula ndumbwetu walunga, na kumuhana ikiye Shipilitu Yove, kaha echa Echi chikinduluke hali ikiye. Kaha kumutetekela, kaha kumutwaminyina ikiye na pwevo lyehi kuli vize vihela kuze pamo uze umwe mwono kufuma kuze, kaha mapito kaweshi kusokeka palanga uze umwe mukoko vanamunehe nakwingila. Ove kaweshi kusuuluka na nayite naine. Eli . . . Kala lijina lili mu Mukanda vatela kuchinehamo. Vakafwenu, Mwata, shimbu vali nakuhaka mavoko hali ikiye kumulingisa kupwa hamwe na ikiye

nge ndumbwetu. Kaha kukafwa chetu na kulomba hali ikiye, mwaya na ikiye. Kaha etu twalombo nge Ove muya nakukisula ikiye, Mwata, kwosena ikiye mwaya. Mu Lijina Iya Yesu. Amena.

Vakukisule, Ndumbu walunga Ben! Livoko Iya chilyo Iyakulikata etu tunakuhane, kupwa vandumbu vamaIunga. Kalunga akukisule, ndumbu walunga.

³⁵ [Ndumbu walunga Earl Martin ngwenyi, “Ndumbu walunga Branham, unahase kuhaka mavoko hali yami, kunguwavisa yami kumulimo nge kafunga?”—Muka.] John Martin. . . [“Earl.”] Earl.

Vangahi vatachikiza Earl Martin? Vangahi vafwelela ikiye kupwa ngamba ya Kulishitu? Ikiye ejile kuli etu kufuma ku. . . Ngwafwelela, kuputuka, kufuma mulizavu Iya Pendekosita, kaha jino Ngwashington ikiye mapashita na kuzata milimo yakulimanyina.

³⁶ Ngunatachikiza Earl kupwa ngamba wamwenemwene wa Kulishitu. Kangweshi kavulyama chilinga chimweko, vavavulu vanapunga, oloze chilinga chimwe na Earl. Ngunanuka ufuku umwe vakiko vamusanyikile ikiye omwo Ngwapwile mu Dallas, Texas; mokomoko Ngwa—Ngwafwelela, nduma, chapwile. . . [Ndumbu wapwevo ngwenyi, “Beaumont.”—Muka.] Beaumont, Texas, ali wakwoloka, ndumbu wapwevo. Kaha vakiko—vakiko. . . Kamba yenyi apwile nasavala, kufwa, kaha vakiko vashinganyekele nge apwile wakufwa Iyehi. Echi kachapwile kuhwima chekako. Kaha Earl atungile jila yenyi kujingluka mukapete kami, nge ise, kufumba mahye, kuwashikumwisa kumeso ami, shimbu Ngwapwile mukahela. Akindukile; ikiye ahakile mavoko enyi hali yami kaha ngwenyi, “Ndumbu walunga, Ngwafwelela ove unapu kapolofweto ka Kalunga. Ngunapunga lwola Iwosena nakufwelela chize. Kaha kachi ove muya kaha nakuhanjika lizu, chipwe kamba yami nafu, oloze mwakayoya.” Kaha kamba yenyi akindulukile kukuyoya, ali nakuyoya.

³⁷ Ove wafwelela ikiye ali wakutela kulivoko Iya kulikata cha ava vakakufwelela? [Chikungulwilo ngwacho, “Amena.”—Muka.]

Echa tulombe, vandumbu vamaIunga, shimbu etu tuli nakuhaka mavoko hali ikiye.

³⁸ Tata wa Likoji wa Mwilu, etu kuhaka mavoko, cheka, hali Ndumbu walunga Martin. Etu twamutumumu ikiye, Mwata, kweka nakweka nge Ove unamutongwela ikiye atela kuya; chipwe kuze ali, kuli vavavulu mokomoko vavandende, jijila jakulivatasana, kukula jila, kwamingulunga, kachi chili ngocho. Chipwe kuli, Mwata, echa jikisu Jenu jipwenga na ikiye. Etu twahake mavoko hali ikiye nge etu twalombo lumbushi Iwa Yove hali ikiye kaha tunamuhane jikisu jetu, nge Shipilitu ali hali etu, Mwata, echa ayenga na ikiye, kaha natumutetekela na kumutwaminyina

ku myono yakujimbala mumilaka na mumakulakula jila. Etu twamutumumu ikiye, mu Lijina lya Yesu Kulishitu. Amena.

Kalunga akukisule, Ndumbu walunga Martin. Yako jino, kaha Mwata apwenga na ove.

³⁹ Mwomwo pungu yoyimwe? [Ndumbu walunga Richard Blair kuhanjika kuli Ndumbu walunga Branham—Muka.] Richard napu lijina lyove? [“Chakwoloka. Richard Blair.”] Vangahi vatachikiza Richard Blair? Vangahi vafwelela ikiye kupwa ngamba ya Kalunga? Ikiye ejile nakufuma mu—mulizavu lya liuka lya United Pendekosita.

Kaha ndumbu walunga, Ndumbu walunga Blair, Ngunanuka kusanyika chachinene, cha ikiye. Ngunanuka lwola kuze Ndumbu walunga Blair kahashile, kazangile kungufwelela yamiko, mwomwo nge kuze kakwapwile shipilitu kuzata na ikiye, kumulweka nge Ngwapwilenga mukamakuli. Kaha shimbu ikiye atwamine muze mukuliwana, uze Shipilitu Wajila alumukile na kumusanyika nakulovoka. Kaha ikiye apwilenga pamo wakulizanga ha—ha kuhwima, kaha chize chikiko chamumbachile ikiye mujila kana.

Kaha Ngunanuka pwevo lyenyi wakuzanga kungusanyika likumbi limwe. Ikiye ambile ngwenyi, “Ndumbu walunga Branham, Ngwafwelela Richard nauya nakufwa.” Kaha ikiye apwilenga, Ngwafwelela, chiveza. Ikiye ayile kaha kuchihaka hali ikiye, nge omu Ngwamuhulile ikiye, na kulomba. Hano ikiye ali.

⁴⁰ Kamba wamundende napunga muponde, mokomoko, [Ndumbu walunga Blair ambile ngwenyi, “Kanyike walunga.”—Muka.] kanyike walunga, apwile muponde, nge vakiko kavamulingishile kupwa nalutalililoko, na kulyeka cha wongo. Kaha na kulomba, na ha shinga, uze kamba atungile kanawa.

Ove wafwelela Ndumbu walunga Blair chinjiho cha Kulishitu? [Chikungulwilo ngwacho, “Amena.”—Muka.] Twalombo nge jikisu jove kuya na ikiye.

Vandumbwami, haka mavoko enu hali ikiye.

⁴¹ Ove Kalunga, kutachikiza likoji lyetu na ndumbu waundume, Ngamba yove, uze neza nakufuma mulizavu lyenyi, kutambuka mu Kumunyika. Tata, etu twalombo nge Ove muya nakukisula Ndumbwetu Blair, shimbu etu natumutumama na jikisu jetu na kutuma chetu, namavoko etu hali ikiye, kwosena Ove pamo munahase kumusanyika, Mwata, kukala kuzata chinahase kupwa. Echa Shipilitu Yove ayenga na Ndumbu walunga Blair. Mutetekele na kumutwaminyina ikiye kuli vakujimbala na kuli vakujimbala vamuno mukaye, nge ikiye nahase kukafwa kuwana mukoko wakujimbala, nge ikiye nahase kuneha cheka mulimba. Kala kwosena chinahase kupwa, kalachuma Ove uli na ikiye, Mwata, etu twakulombo Ove nge Shipilitu Yove kumutwaminyina na kumutwaminyina mu

kuyoya chenyi chosena chamungeji. Etu tunapu vandumbwenyi. Mukuhana ikiye muli echi kulikata, etu twalombo Ove kuya na ikiye, mu Lijina lya Yesu Kulishitu. Amena.

Kulivoko lya kulikata! Kalunga akukisule, Ndumbu walunga Blair. Etu tuli na enu, wani handulendi peseti, kukulombelela ove na kulinga kalachuma etu tunahase kumikafwa enu. Kalunga amikisule.

⁴² [Ndumbu walunga Merlin Anthon ambile ngwenyi, “Echi chili chochimwe kuli yami, Ndumbu walunga Branham, kupwa wakutongola.”—Muka.] Kwamba ngwove? [“Kutongola.”] Ove yove hiya? [“Merlin Anthon.”] Merlin Anthon. [“Yami nguli muliuka.”] Kulihi? [“Hano mu liuka.”] Mu liuka. Kala muthu atachikiza Ndumbu walunga Merlin Anthon? Ikiye napu wamuhya, kuli yami. [“Na Salvation Army. Anuka yami?”] Mamalelo, eyo. Ngukonekelenu, ndumbu walunga.

Kufuma mu Army Salvation, echi chakwoloka, Ngunanuka ikiye. Punduvene, Ngunatachikiza ikiye jino. Nguli kaha... Meso eyi kasolokele kanawako kuli yami hazevene, lwola luno. Vangahi vatachikiza ikiye kupwa muthu wa Kalunga? [Chikungulwilo ngwacho, “Amena.”—Muka.] Vangahi vafwelela nge—nge Kalunga ali nakuzata na ikiye? Zundula livoko lyove. [“Amena.”] Unahase kumulombelela ikiye? [“Amena.”]

⁴³ Jino, ndumbu walunga, etu tunatachikiza nge ove uli nakwiza kufuma mulizavu lya vathu, Salvation Army, vakiko vanapu vathu vavanene. Oloze, kaha, oloze Salvation Army kulinga mulimo waunene mujila. Etu tunahase kuhanjika chuma chimwe hali va Nazaleni, liuka lya Pendekosita, mokomoko Salvation Army, mokomoko kala vakiko; vakiko vanapu vandumbwami. Oloze, mwamono, etu twafwelela nge etu tuli vakakumbata ou Mujimbu waunene wa ola ino etu tuli nakuyoyelamo. Ove unatondo kulinga chize na etu? [Ndumbu walunga Anthon ngwenyi, “Amena.”—Muka.]

Echa etu tunongame mitwe yetu shimbu etu tuli nakuhaka mavoko hali ndumbwetu walunga.

⁴⁴ Ove Tata wa Mwilu, Ove unapu Umwe uze eji kulinganga kusanyikanga. Ove unapu Umwe uze eji kuyoyesa Lizu, shikaho vakiko vanahase kufwelela. Kaha etu kuhaka mavoko hali ndumbwetu walunga wamwaza, nge kutuma nge etu twafwelela nge Ove uli na ikiye kaha mwaya nakumukafwa ikiye. Etu tweji kutuma kukisula chetu na ikiye, nge etu twafwelela nge etu twahichile mukufwa nakwingila mu Kuyoya kaha jino kwata Ngolo mukachi ka michima yetu, ha likoji lya Kalunga, etu kuhaka mavoko hali ndumbwetu walunga na kutuma ikiye na kukisula chetu, nge ove muya nakupwa kulutwe kaha kumutwaminyina na kumutetekela kukala kutondeka cha hamavu, Mwata, nge Ove unamutongola ikiye kuya. Echa Shipilitu Yove ayenga na kumuhana kulikangula, ngolo, kaha

kufukila kumulimo wenyi, mwomwo etu twamutuma ikiye mu Lijina Iya Yesu Kulishitu. Amena.

⁴⁵ Kalunga akukisule, ndumbu walunga. Echi chakwoloka livoko Iya kulikata, munatachikiza, vandumbu vamaIunga kulimeneka mumavoko na ikiye, vandumbwami ngachize. Shikaho mukiko ove uli. . . Chosena chakwoloka, ou Mwata amikisule enu vosena.

⁴⁶ [Ndumbu walunga Carrell kuhanjika, “Kanda—Kanda Iyehi nguchilinge, hatoma. Unatondo ove kuhaka mavoko hali yami, nge vaze, mu Lijina Iya Yesu.”—Muka.] Ove, kalachuma ove unazange. Kaha vyove. . . [“Lwola Iwa kupwa, na chochimwe nge vakiko.”] Jino Iijina Iyove Iika? [“Ndumbu walunga Carrell, kufuma ku Cincinnati.”] Ndumbu walunga Carrell.

[Ndumbu walunga Carrell kuhanjika, “Vangotongwele kupwa mukakuzata, oloze Kangwahashile kwitavila hamwe na ndumbu walunga uze apwile nakutetekela mapwevo nge vakakuzata, kaha Ngwatela kufuma kuli chize.”—Muka.]

Ou ikiye Ndumbu walunga Carrell kufuma ku Cincinnati. Kalamuthu atachikiza Ndumbu walunga Carrell, zundula Iyove. . . Kupwa wakufuma ku Cincinnati, Ngunakasana echi, nge kalamuthu natachikiza. Ikiye kuhanjika nge ikiye apwilenga na lizavu, kaha lizavu lize Iyatondele kuwavisa mapwevo kupwa vakakuzata. Ikiye kahashile kwimanako, kaha ikiye atela kufuma kuli vakiko.

Mukiko kaha omu Ngwahokoka nakufumako mu Missionary Baptists. Ndotolo Roy E. Davis, vangahi vamwivwa Iyehi ikiye? Punduvene, ove wamwivwa Iyehi, talenu. Ikiye atondele kuwavisa mapwevo vamwe kupwa vakakunangula, kaha Ngwambile ngwami, “Nduma, mwane. Nge mukulwane,” Ngwambile ngwami, “Kangweshi kuhasa kulinga chizeko, chivezu. Chili chakufumbukila Lizu Iya Kalunga.”

⁴⁷ Kangwakitachikizako, Ndumbu walunga Carrell. Oloze ha chikuku cha unjiho wove, kaha Muchano uze wemanyina ha. . . . Etu katweshi nachuma chimweko hali vaze mapwevoko. Vakiko vanapu vandumbu vamaIwevo. Etu twazanga vakiko. Oloze etu twafwelela nge vakiko vakwechi chihela chavo, kaha nge vakiko vatela kutwama. Talenu? Kaha etu twafwelela ngana nge vali sepa Iyami, mukakumukafwako. Kaha ha kulumbununa. . . . Etu twashinganyeka vakiko kupwa wana waunene, kusali ya ulwilo, nge Kalunga ahana muthu. Oloze ikiye akwechi chihela mukamenga, kutesekeka na Lizu Iya Kalunga. Ha chikuku kana, kaha Iufwelelo Iwove muli Kalunga, etu kuhaka mavoko hali ove, nge kulikata, kwiza na etu.

Echa tuhake mavoko hali ikiye.

⁴⁸ Ove Tata wa Mwilu! Ou mukweze walunga, Ngunahase kaha kutachikiza omu ikiye ali nakwivwa. Ikiye vanamushinjika mwomwo ya Muchano wamwenemwene. Chize, “Muthu keshi

kayoyela ha mbolo kahako, oloze ha Lizu lyosena.” Shikaho etu kuhaka mavoko hali ikiye, kuhaka kukisula chetu hali ikiye. Echa Shipilitu Yove yimutwaminyine, kumutwaminyina ikiye, kaha kumutetekela muungeji wenyi wachiyoyelo kwosena okwo Ove naumutuma, Mwata. Echa ikiye atachikize nge etu tuli nakumulombelela ikiye, kaha nachiya nakupwa kukafwa ikiye, kaha kumukafwa kachi ikiye mwemana lika ha Muchano. Tuhane echi, Mwata. Etu twamutumumu, mu Lijina Iya Yesu Kulishitu. Amena.

Kalunga akukisule, Ndumbu walunga Carrell.

Ove unahake kaha mavoko hali vakiko, akuhandunuka. Enu vosena kuhana muyachi wamavoko akulikata hali chize.

⁴⁹ Ndumbu walunga Ruddell, hano, kanda lyehi apwenga wakutongwele hano ha liuka. Munahase . . . Vangahi vatachikiza Ndumbu walunga Ruddell? [Chikungulwilo ngwacho, “Amena.”—Muka.] Etu vosena twamutachikiza ikiye. Vangahi vatachikiza ikiye napu muthu wa Kalunga? [“Amena.”]

Ove Tata wa Mwilu, omu vakulwane Jove vanahake mavoko hali ou ndumbu walunga ou tambuka kuhita mwakujiminyina, vimeya andambo. Ikiye namono chikungulwilo chenye kuholoka. Ikiye amwene vyuma vyosena kusoloka, oloze kufwelela. Chipwe . . . ? . . . Etu kuhaka mavoko hali ikiye, na kunungulula kukisula kuli ikiye. Muwavisa, Mwata, naundume, na Lizu, Mwata, kaha mutume kumavu kwosena! . . . ? . . . echa apwenga hali ikiye na kumukafwa ikiye. Kaha kumutuma ikiye, mu Lijina Iya Yesu Kulishitu. Amena.

⁵⁰ Ndumbu walunga Ruddell, ove lwola lwosena ukwechi livoko Iya chilyo Iya kulikata. Ngunatachikiza Ndumbu walunga Ruddell. Chasoloka nge—nge mwanami walunga. Ise na Yami, naye, nejiva umwe namukwavo chikuma. Kaha Ngunatachikiza Ndumbu walunga Ruddell kupwa ngamba ya Kalunga. Ngunazachila na ikiye. Kalunga akukisule, Ndumbu walunga Ruddell.

⁵¹ Lijina Iyenyi chuma muka? Ove yove hiya, ndumbu walunga? [Muthuumwe ngwenyi, “Ndumbu walunga—mu lushimbi kuli Ndumbu walunga Martin.”—Muka.] Ndumbu walunga Martin, unatachikiza ikiye, Ndumbu walunga Martin?

Lijina lyove lika? [Uze ndumbu walunga ngwenyi, “Rev. McComas.”—Muka.] Ndumbu walunga McComas. Ngwashinganyeka kakweshi umwe hano atachikiza ikiye, oloze ikiye napu . . . Eyo, ou lunga hano amutachikiza ikiye, Ndumbu walunga Tyler. Kaha ikiye ejile nakupwa . . . mumavoko anasavala hali ikiye, nge ikiye mwaya nakupwa mukakumbata ou Mujimbu wamwaza. Ndumbu walunga McComas, wafuma kulihi, Ndumbu walunga McComas? [“Rockford, Illinois.”] Rockford, Illinois. [“Ove wangusanyikile limbo Iyami, mulungu unahichi, mokomoko ufuku wa Chimwe, kaha walombelele

pwevo lyami.”] Mamalelo, echi chakwoloka? Kufuma ku Tucson. [“Tucson, Arizona.”] Mamalelo, Ngunanuka kusanyika jino. [“Ikiye ayile chimene chikwavo.”] Mwalise Mwata!

[Ndumbu walunga Martin ngwenyi chuma chimwe kuli Ndumbu walunga Branham—Muka.] Kwamba ngwove? [“Ndumbwami wapwevo.”] Ndumbwove wapwevo. [“Ikiye ali hano jino. Apwile nakalepa.”] Shikaho, ikiye ali hano jino, vamulombebele, ufuku ukwavo, kufuma ku Tucson, ha shinga. [“Kalepa.”] Lizavu-... [“Ikiye apwile nakalepa, kaha ikiye ali hano jino.”] Ikiye apwile nakalepa, maufuku amandende kunyima okwo, kaha ikiye ali hano jino. Ndumbu walunga Martin natachikiza echi, sepa. Shikangaho ikiye natondo kumbata Mujimbu!

Echa etu tuhake mavoko hali ndumbwetu walunga.

⁵² Kalunga Wamwaza, Ngunahake mavoko, na ava veka, hali ngamba Yove, na kumuhana kulivoko lya chilyo lya kulikata, kulomba nge kukisula cha Kalunga nachiya...?...nge Ove unamutongola ikiye kupwa. Kukisula chove chipwenga hali ikiye, kaha twamina ikiye na kumutwaminyina, mu Lijina lya Yesu Kulishitu. Amena.

Livoko lya chilyo lya kulikata, ndumbwami walunga, na vaze vanapu na ove. Kalunga apwenga na ove.

⁵³ [Muthuumwe ngwenyi, “Ndumbu walunga Branham?”—Muka.] Eyo, ndumbu walunga? [“Ngukwechi umwe weka uze natondo echi nawa.”] Chosena chakwoloka, mwane. Ngwafwelela echi chinapu... [“Ndumbu walunga Darris.”] Ndumbu walunga Darris. Kangweshi... [“Ngunahono kutachikiza Ndumbu walunga Earl na Ndumbu walunga Brewer.”] Ou lunga napu Ndumbu walunga Darris. Ove wafuma kulihi, ndumbu walunga? [“Black Rock, Arkansas.”] Black Rock, Arkansas. Ndumbu walunga... [“Ngwamutachikiza ikiye, ndumbu walunga.”]...kumwijiva ikiye. Muthu weka, Ngwafwelela, hano, ngwenyi...Ndumbu walunga Brewer. Ngwafwelela Ngwaliwanyine navo, chimene chino. Kaha—kaha Ndumbu wapwevo Vayle, Ngwashinganyeka, Ndumbu walunga Vayle, kaha vakiko vaze vanatachikiza ikiye, kaha kutachikiza ikiye kupwa muthu wa Kalunga, ngamba ya Kalunga. Chamwaza!

⁵⁴ Chamwaza, jino, ndumbwami walunga wamwaza, kupwa mukakumbata ou Mujimbu, etu twatondo ove kutachikiza nge etu natuya nakwimana kunyima yove, kulinga vyuma vyosena etu tunahase. Etu natuya nakumilombelela, nge enu nawa namuya nakumbata ou Mujimbu mbwe nakuvihela kwosena Kalunga namutongwela ove kuya.

Echa etu tuhake mavoko etu hali Ndumbu walunga Darris.

Kalunga Wamwaza, etu kuhaka mavoko hali ndumbwetu walunga, kumuhana livoko lya chilyo lya kulikata, kaha

kumutuma ikiye mu Lijina lya Yesu Kulishitu, nge Ove muya nakuwavisa ikiye. Kaha...?...muhane livoko lya chilyo lya kulikata!...?...Kaha Shipilitu Yove yako na ikiye, na kumutwaminyina ikiye na kumutetekela, mu Lijina lya Yesu Kulishitu. Amena.

Kalunga akukisule, ndumbu walunga.

⁵⁵ Jino, Ngwafwelela, Ndumbu walunga Anthony. Enu vavavulu munatachikiza Ndumbu walunga Anthony. Ikiye napunga hano na etu lwola lwalusuku. Ngunatachikiza ikiye kupwa ngamba ya Kulishitu, yami lyavene. Ngwafwelela ikiye apwa mukweze wakukujika. Ikiye kanda lyehi apwenga na mavoko akuhaka hali ikiye. Ikiye katachikijileko nge kwiza, masepa. Talenu? Oloze hano vene chili chamwaza nge kala. Shikaho etu tuli nakuya nakuhaka mavoko hali Ndumbu walunga Anthony na kumuhana livoko lya chilyo lya kulikata. Kalunga ikiye atela kutongola. Echi chinapu echa ikiye kutachikiza, kaha munatachikiza, nge etu twafwelela ou ndumbu walunga kaha etu twamuzanga ikiye, kaha ikiye umwe hali etu, mu Mujimbu. Kaha etu twatondo ikiye kupwa na kukisula cha Kalunga, kaha omu mukiko etu twamulombo ikiye. Echa tulongbe, shimbu etu tuli nakuhaka mavoko etu hali, ndumbu walunga.

⁵⁶ Kalunga Wamwaza, ou wakulikehesa, Italian ngamba ya Yove, Mwata, kwiza ufuku uno, nge kuli—kuli mavoko kupwa hali ikiye, kaha livoko lya chilyo lya kulikata lili hatoma to kuli ikiye, kufuma muliuka. Mwata, Ngolo Jove jajinene tuma ou mukweze walunga kupwa chihanda cha mavu na kufwila chize Ove uli nacho nge Ove wamusanyikila. Kaha echa ikiye ayenga na kusokola vathu kufuma kushili na misongo, na kuzachila Ove, Mwata, makumbi osena akuyoya chenyi. Echa Ove mumutwaminyine ikiye, twamina ikiye. Echa kukisula chetu chipwenga na ikiye, shimbu etu natumutuma ikiye, mu Lijina lya Yesu Kulishitu. Amena.

Kalunga akukisule.

⁵⁷ [Muthuumwe kuhanjika kuli Ndumbu walunga Branham—Muka.] Huu? Mamalelo, Ngunahono kutachikiza. Etu tuli ha telefhone; fifite ngwee ha munyutu. Apwile muthuumwe nawa hano apwile nakutondo. . .

Fuma hano na kusanyika majina enu, enu muli, vandumbwami, muze vene mu chihungo haze *vene*. Valweke kaha. [Kala ndumbu walunga kuhanjika lijina lyenyi, “Pat Tyler,” “Claude Boggess,” “Dale Potter,” “. . .? . . . Henasey,” “James Humes,” “Earl Horner.”—Muka.] Echi chikiko vakiko? [Muthuumwe ngwenyi, “Eyo.”] Vandumbwami.

Ava malunga, enu mwafwelela ou Mujimbu kupwa Muchano kufuma mu Lizu lya Kalunga? [Vaze vandumbwami ngwavo, “Amena.”—Muka.] Ove wafwelela namuchima wove wosena?

["Amena."] Chosena chakwoloka. Kaha ove uli na ukenya, kaha shinganyeka kachi etu natuhaka mavoko hali ove. . . .Etu twatondo ove kutachikiza nge etu tuli na ove, kaha etu natuya nakulinga kalachuma chize etu tunahase kulinga kukukafwa ove.

Kaha jino Ngwatondo enu vandumbwami, shikaho Ngunahase kuhaka mavoko hali vakiko nawa, kwiza hano vene. Kaha echa etu tunongame mitwe yetu, shimbu etu tuli nakuhaka mavoko hali vakiko.

Kalunga Wamwaza, hano hali lizavu lya muthu. Ngunahake mavoko ami hali vakiko, mu Lijina lya Yesu Kulishitu, ou Mwana Kalunga. Kaha echa Ove, Hiya navasanyika kupwa vakakuzata, mangana vakiko vahase kunangula echi, Mwata, makumbi osena akuyoya chavo, kaha. . . .? . . .kunangula Mujimbu wamwaza kuli tengeso yosena. Etu twavahanyine kulivoko lya chilyo lya kulikata, kaha kulomba jikisu Jove kupwa na vakiko, Mwata, shimbu etu kuvakisula vakiko, kutuma jikisu jetu. Echa echi chiyenga nakutaka hano hamavu nge Ove wamusanyikile vakiko kuya. Echa vakiko kuzata na kuzachila Ove mungolo jojimwe nge Ove wavasanyikile kupwa. Echa vakiko vapwenga vaundume na vangamba ja Kalunga. Tuhanecho echi, Mwata. Kaha etu twalombo echi mu Lijina lya Yesu Kulishitu.

⁵⁸ Kalunga akukisule, enu vosen, vandumbu vamaalunga. Kalunga akukisule. Kalunga akukisule, ndumbu walunga. Kalunga akukisule. Kalunga akukisule, Ndumbu walunga Humes. Ou Mwata apwenga na ove, umwe wosena.

Kukisula lungoji lunahase kukasa
Michima yetu muzangi muli Kulishitu;
Kulikata cha vishinganyeka vya likoiji
Chili nge chize Helu.

⁵⁹ Kumana Ikiye keshi wamwazako? Shinganyeka kaha jino, vangahi vakakuzata vali hano ufuku uno kupwa na mavoko vahake hali vakiko!

⁶⁰ Ngunahono kutachikiza etu twapwilenga hashinga. Kachi vathu vase navaya nakungukonekela hali chize; Ngwahonene kutachikiza. Talenu? Ngunahono kutachikiza vakiko vapwile nakuya nakwivwulila ou Mujimbu waundende ufuku uno. Oloze etu tuli. . .

⁶¹ Jino etu natuya nakutanga eli Lizu na kulomba, kaha kuya nakwingila mu Mujimbu nge Ngulinakwivwa nge Shipilitu Wajila mwaya nakupwa na yami kuneha kuli enu ufukuuno.

⁶² Kaha jino shimbu etu tuli nakwalumuka kunyima mu. . . ha kutanga, Nanguya nakuvilika echi mukatando kakandende. Echa tupandumunenu mu Kulava, kapetulu 22, vasi 31. Kulava 22:31, kupwa mutwe wachihande. Shimbu ove uli nakufukununa, kachi ove unatondo kutanga, kutanga echi mokomoko lusona.

⁶³ Ngwatondo enu vosena ngunuke jino, palanga nomu Nangukamimona cheka, Ngwatalilila, lwola lumwe nonga, Mwata netava. Kaha kachi kalachuma nachisoloka, Kangweshi kuya kusali yatulunga lwiji, Nanguya nakukinduluka. Oloze etu tuli jino nakufwelela nge, omu vyosena evi vinazachiwanga, nge Shipilitu Wajila mwaya nakututumina etu jino mujila ize Ikiye nasakula Lyavene kututuma etu. Kaha omu mukiko mujila etu twatondo kulinga. Ou Mwata akisule!

⁶⁴ Tata, etu tuli nakutanga Lizu Lyove. Munahase Ove kukisula Echi na kuwvisa Echi kuli kwivwushisa chetu, etu twalombo mu Lijina Iya Yesu Kulishitu. Amena.

⁶⁵ Ou Mukanda wa Kulava, kapetulu 22 na vasi 31.

Kaha YEHOVA asokolwele meso a Mbalamu, kaha amwene kangelo ka YEHOVA kwimana mujila kana, na poko yenyi yamukwale yakusomona lyehi mulivoko lyenyi: kaha anongamine mutwe, wenyi nakulimbila chameso hamavu.

⁶⁶ Jino, mukutanga cha echi, kutunga nakujinguluka echi, Ngwatondo kumbata mutwe wachihande: *Kumana Kalunga Nahase Kwalumuna Vishinganyeka Vyenyi Ha Lizu Lyenyi?*

⁶⁷ Ou unapu mutwe wachihande, kaha unapu Muchano waunene nge etu twatela kwivwushisa. Nahase Kalunga kuhanjika kalachuma kaha jino kuhanjika, “Ngukonekele Ngwambile ngwami echi”? Nahase Kalunga kumbata Lizu Lyenyi kunyima, hanyima ya Ikiye ngwenyi Echi?

⁶⁸ Jino, muli eyi hanjikiso hano, mulonga Ngunasakula eyi hanjikiso, apwile mwomwo napu umwe hali eyi hanjikiso ya Mbimbiliya nge mukakutanga, kweseka kumona, mokomoko kweseka kuhanjika nge Kalunga eji kwalumunanga vishinganyeka Vyenyi; echi nachiya nakupwa nge ngachize Ikiye alumwine vishinganyeka Vyenyi kuhambakana kala chihela mu Mbimbiliya, Ngunatachikiza, mwomwo Ikiye amulwekele Mbalamu chuma chimwe kaha jino amulwekele ikiye kupwa weka. Kaha jino, vathu vavavulu kweseka kumulingisa Mbalamu kupwa kaha, mamalelo, mukakutahisa mokomoko chumachimwe. Oloze Mbalamu kapwile mukakuhakwila ko. Ikiye apwile kapolofweto ka Mwata.

⁶⁹ Jino, etu natuya nakupwa kuweluka wa Mujimbu, chatete. Isalele apwile muungeji wavo kufuma ku Pala-...kuya ku Palachise, kwiza kufuma mu Ejipitu. Kaha Mwata apwile navo, kaha vakiko vapwile...Kala mukakole uze akatukile kumeso a Isalele afumine mujila, mwomwo Kalunga ambile ngwenyi Ikiye mwakaya nakutuma vandoji kulutwe lwavo kaha mwakaya nakuvatutula vakakole, nge vakiko navatambuka mu kwononoka kulushimbi Lwenyi. Mulimo kawapwile cheka wauneneko. Va Amaleke, vakutaluka valikumbi kana, kavapwile chumako kuli Va Isalele. Chipwe vakiko vapwile

malunga vavandende mu chiwvuvwu, oloze vakiko vapwile nakutambuka MUKIKO MWANAMBE MWATA. Shikaho chipwethuhu chumamuka chakuhonesa chapwile, Kalunga lwola lwosena amwene nge Mazu Eyi a lushiko kanda lyehi ahone Isalele.

⁷⁰ Kaha Isalele wa Tesitamende Yamwaka chifwanyisa cha Mwenga wa Tesitamende Yayihya, kwiza nakulovoka mu—mu kaye, kutambuka mujila yakuya ku Kanane, mokomoko mu Kanane ize etu tweji kuyangako, Likombakaji.

⁷¹ Jino, jino, etu tunatachikiza Mowave hano hali chifwanyisa cha liuka. Kaha Mowave . . . Vakiko vajihile va Myangana vamwe kaha vavwunyine mukakole, kujiha vyuma vyosena, kuheta lifuchi, kaha kutambuka na Mowave. Jino, Mowave kapwilenga na kulumbununa lifuchi lya vakakuzeneka kutachikiza kalunga. Mowave apwilenga lifuchi lize lyazachililenga Kalunga youmwe uze Isalele azachile. Kaha lifuchi lya Mowave lyapwile yakuputuka na mwana Lote, na mwanenyi wapwevo. Kaha ikiye, hakupwa ikiye awanyine lize lifuchi, kaha awahishile chilika na vyangocho, kaha kupwa na lifuchi lya linene kufuma muze, kaha vakiko kupwa vakuvulisa nakutwaliho.

⁷² Kaha, jino, Isalele apwilenga mbuto ya Apalahama, keshi Lote ko. Isalele kulovoka muli Isaka, Yakova. Kaha Isalele kulovoka muli aze miyachi twolufu kufuma kuli Yakova, uze apwilenga kufuma haze vavuluka “Isalele,” mwomwo ikiye alitavilile na Mwata. Kaha Mowave hano . . .

⁷³ Jino, muli echi, kaha enu vathu muli mu—ha jishinga, Ngwatondo chatete kuhanjika nge Kangweshi—Kangwazangile kupwa wakujiminyinako, kaha Ngwatalilila Kangweshi ngochoko. Oloze, ou Mujimbu uze vananguhane yami, Ngwatela kupwa wakushishika kuli ou Mujimbu, mokomoko Nanguya nakupwa mukakulyonga. Talenu? Kangweshi—Kangweshi kuhanjika kuhambakana chuma Yami vangutume kuhanjika.

Kaha Nguli—Nguli nakushinganyeka nge mukakole wamunene wa lizavu lya Vakakulishitu lelo ali nakulinunga mauka. Ngwafwelela na muchima wosena nge nayiya nakutunga kupwa lusona lwa chisuma, ou Ngunahase, kushinganyeka Ngunahase kwinjikiza echi na Mbimbiliya na kukafwa cha Kalunga. Ngunalingi lyehi echi. Chinapu, nachiya nakupwa lusona lwa chisuma, mukutunga cha mauka. Mwomwo, Kalunga kanda lyehi alinge ngachize, hakala lwola, kutachikiza liuka lya kutongola, kulivwasana na liuka, kanda lyehi. Ikiye kalingile ngachizeko.

Kaha kala lwola muthu atungilile chikungulwilo, Shipilitu ya Kalunga yamusele kaha kayamukindulukilile chekako. Hula kala mukakutanga vya kunyima, mokomoko ove unahase kupwa mukakutanga ove lyavene. Kanda lyehi! Omwo vakiko valivwasanyine, Kalunga atulikile ha ngofu, kaha

haze hakiko chayile; chatwamine, kufuma haze. Vakiko kusoka mu mamembala, oloze kuhona kutona cha Shipilitu; kanda, chekako.

⁷⁴ Mowave, hano, chinapu muyachi wachuma kana, mwomwo vakiko vapwilenga na—na lifuchi lya kulivwasana; mu lifuchi lyavo vavene, nge mu chikungulwilo chavo. Kaha kuze kwapwile kulifukula chavo, kaha kulifukula chavo chapwilenga kulifukula chochimwe chize va Isalele vapwile nacho. Vakiko vapwile va Mowave na kufwelela muli Yehova Kalunga, oloze vakiko vapwile lizavu lya kulivwasana lya vathu.

⁷⁵ Kaha, jino, shimbu vakiko kwimanyinako liuka lya chisemwa, Isalele kwimanyinako liuka lya mushipilitu muli ou ungeji. Jino, Isalele kapwile lifuchi lya kulivwasanako. Kachi kaha vakiko vakavangijile Kalunga, vakiko vapwile vakakulimanyina. Vakiko vejile, ndala muhitanganyi, nachihela chauchi chakuya. Kalakwosena ize Panda ya mulangi wa Kakahya yayile, vakiko vayile na Chize. Vakiko kavapwile lifuchi lya kulivwasanako. Vakiko vakwechi wakuyoya mukachi kavo, mwomwo kwalama chavahanyine vakiko kupwa mwishi ya jishimbi ja Kalunga, oloze kanda kupwenga lifuchi lyakulivwasana lwola luno. Omwo vakiko makumishilo kwiza nakupwa lifuchi lya kulivwasana, muze mukiko vakiko vaholokele na kukana Meshiya yavo.

⁷⁶ Kaha jino etu tunawane, lwola lwosena, nge omwo evi chisemwa na vya kushipilitu, mashipilitu a mauka na vikungulwilo, kuliwana, kuli lwola lwosena kuliwana. Kanda lyehi kupwenga kuhona. Lwola lwosena kuliwana. Mwomwo, etu tunawane nge muli lwiso. Kaha kuze, muli elu lwiso, kulingisa kupezalisa na visemwa, kulifwanyisa. Kaha etu kuwana echi mu lelo, nge muze chapwile jino. Omwo Kalunga eji kulinga chuma chimwe hali muthu hakapanji, kalamuthu kweseka kulondezeza chochimwe nge omu alingile Kalunga hali uze muthu. Talenu, kulingisa kulipika, kaha kulingisa chisemwa. Kaha jino kachi vakiko kaveshi kuhasako, kusali ikwavo, kupwa na vyuma vyakushipilitu, kahajino vakiko navambata ha ngolo ja milingu, mokomoko vakiko kutambasana na chumachimwe, kulingisa michima ya vathu kupihilila, kukoka tumbaji mangana kuvakavangiza.

⁷⁷ Omu mukiko chasolokele hakuputuka; nge Kena na Avele, vanyike vamaunga vosena hano hamavu. Kaha omwo Avele ahanyine kuli Kalunga mulambu wamwenemwene kuhambakana Kena, kaha Kalunga ejikijile Avele, ha kwiza nakushikumuka na kutambula mulambu, chanehele lwiso na Kena, mwomwo ikiye apwilenga lwiso lwa ndumbwenyi walunga, kaha ajihile ndumbwenyi walunga.

⁷⁸ Echi chaputukile kuputuka, chize omwo chisemwa na kushipilitu... Ohonyi Kena na Avele alifukwile Kalunga

youmwe, vakiko vosena vatungile muyachi woumwe wa tumenga, kaha vakiko vosena valifukwile Kalunga youmwe, ha liuka lyolimwe, kamenga youmwe. Oloze Kena, ha kujinuoka cha chisemwa, kuneha mihako ya lifuchi na kuvasavalika haze ha kamenga kupwa mulambu, kushinganyeka nge punduvene nge echi nachiya nakukumbulula kuli Kalunga ha kutomesa. Shikaho ikiye atela kupwa wakuneha, nge vathu kushinganyeka lelo, “ma apo aze Alama na Eva ambachile, ize yanehele shili.” Kaha, kala chuma, Ngwashingtonyeka jino vakiko vahetele kuze na “lizunda” mokomoko chumachimwe jino. Vamwe vavo ngwavo, keshi kunyima chikumako, chapwilenga chumachimwe.

⁷⁹ Kaha, oloze Avele apwile na mulambu wakwoloka. Ikiye atachikijile nge apwile manyinga alingile muze, shikaho ikiye anehele mwana mukoko. Kaha omwo Kalunga atambwile, jino, Avele, ha lufwelelo, ha kusoloka, kakweshi jila yekako. Kuze kakwapwile Mbimbiliya ya kusoneka. Shikaho, mwamono, kuputuka cha kwoloka chinapu Kalunga vanasolola Muchano, kaha Liuka lyosena lya Kalunga wakuyoya vanalitungila hali chize.

⁸⁰ Yesu, likumbi limwe, kwiza nakufuma kupili, ahanjikile kuli tumbaji Twenyi, “Nyi vathu ngwavo Yami Mwana muthu nguhiya?”

“Umwe ngwenyi Ove yove Mose, kaha mukwavo ngwenyi Ove unapu Eliya, kaha Ove unapu Yelemiya, mokomoko umwe hali tupolofweto.”

Ikiye ambile ngwenyi, “Oloze enu muhanjika ngwenu Yami hiya?”

⁸¹ Muze mukiko kapositolo Petulu, wakuhwimina kuli Kalunga, wakuyoyesa na Shipilitu, kutunga hanjikiso yayinene, “Ove yove Kulishitu, Mwana Kalunga wakuyoya.”

⁸² Tachikizenu hanjikiso. “Wakukisula ove, Shimona, mwana Yona, nyama na manyinga kavyakusolwele echi kuli oveko. Ove Tata wa Mwilu nasolola echi kuli ove. Ove yove Shimona. Hali eli lilolwa . . .”

Lilolwa muka? Jino, va Katolika ngwavo, “Hali Petulu, lize lilolwa, lilolwa lyalindende.” Kaha Vakakulikanga ngwavo, “Hali Kulishitu, Lilolwa.”

Keshi kupwa wakuhandunuka; oloze chapwile ha kusoloka nge Petulu apwilenga nacho, Hiya Ikiye apwilenga. “Naumwe muthu mweza kuli Yami,” ngwenyi Yesu, “kuvangila Tata Yami namukoko ikiye. Kaha vosena Tata nanguhane Yami navaya nakwiza kuli Yami.”

“Ove yove Kulishitu, Mwana Kalunga wakuyoya.”

⁸³ “Wakukisula ove, Shimona, mwana Yona; nyama na manyinga kavyakusolwele echi kuli oveko, oloze Tata Yami ali Mwilu. Hali eli lilolwa Nangukaya nakutungilaho Liuka Lyami,

kaha vikolo vya hetese kavyeshi kuhasa kuchifungulula ko.”
Kusoloka cha Lizu Iya Kalunga!

⁸⁴ Talisenu, Avele, ha lufwelelo muli Kalunga, ahanyine mulambu wamwenemwene. Kaha mukakufwelela wa chisemwa kushinganyeka nge chapwile milimo ya mavoko eyi ivene, chize, kaha mihako yenyi na mawana amwaza aze ikiye anehele, nge Kalunga mwaya nakutachikiza, kaha kulingisa kuliwana.

Etu tunawane nge Apalahama na Lote apwilenga na kusekeleka.

⁸⁵ Etu tunawane nge Mose na—na Ndatane, Korah, kupwa na kuliwana chimwe.

Mose, hakupwa kapolofweto wakutongola na Lizu Iya Mwata, kwinjikiza nge ikiye apwile wakusakula kupwa twamina ya ola, kaha nge Apalahama nashiki vyuma vyosena, kaha hano Mose alingile vene muze ahanjikile Kalunga nge nachiya nakupwa, kumbata chihela.

Kaha Korah, kupwa chisemwa, atondele kukatula lizavu mukachi kavo. Ikiye atondele kutunga lizavu Iya malunga. Kaha Kalunga kazata na vathu kanako. Echi chinasolwesa kwoloka haze vene, mu Chisoneka, muyachi wa ungeji walelo, nge chikungulwilo kacheshi cha kutongola kuli Kalunga ko. Mwomwo, haze vene Korah, ikiye ahanjikile kuli Mose, “Ove mbata chikuma hali ove lyavene.” Mujila ikwavo, “Chikungulwilo chosena chinapu chakujila! Mwomwoika, ove muhanjika nge ove unapu muthu wakujila. Ove ukwechi lisesa Iya kulinga kala chuma kana nge ngachize. Ove kwseka ove lyavene kupwa muthu umwe wamunene. Etu vosena tunapu vakujila. Etu tunapu vana va Kalunga.”

⁸⁶ Kaha Mose alumwine kaha mutwe wenyi na kutambuka nakuya. Ikiye ngwenyi, “Mwata, chuma muka Nangulinga?”

⁸⁷ Kalunga ambile ngwenyi, “Lihandunune ove lyavene kufuma kuli ikiye. Ngukwechi vyakutamo hali echi.” Kaha Ikiye amuminyine hano hamavu.

⁸⁸ Talenu, kuze kwapwilenga kuliwana. Omu chisemwa na kuliwana cha mushipilitu, kuze kuli lwola lwosena kuliwana. Omwo Yuta na Yesu aliwanyine, kuze kwapwilenga nash: Umwe, uze Mwana Kalunga; mukwavo, mwana Satana. Kupwa nge Kena na Avele, kuze kwapwilenga kuliwana omu valiwanyinenga. Umwe wavo apwilenga mukakulama nyambaulu ya liuka, kaha mukwavo Umwe kafunga. Kaha nge jino, etu tuneza mulikumbi lino, chuma chochimwe cheka. Chikungulwilo cha chisemwa cha Mwenga wa Kulishitu. Ou Mwenga wa Kulishitu ali chikuma wakuhandunuka kufuma ku vikungulwilo, palanga kakweshi kupezalisa muli vakikoko vosenako.

⁸⁹ Jino talisenu, chisemwa lwola lwosena kweseka kufwanyisa vya shipilitu. Oloze, nge mu Yakova na Esau, kayeshi kuhasa kuzachiwako. Kacheshi kuhasako. Jino, omwo chejile nakulinga milimo yamwaza, Ngwa—Ngwafwelela nge Esau apwilenga muthu wambwende kuhambakana Yakova, kumeso a muthu. Ikiye esekele kuzakamina ise; ikiye apwile kapuputa, kapolofweto. Kaha vyuma vyosena vize ikiye esekele kulinga, oloze ohonyi Esau kashinganyekele hali chize kupwa kaha mulimo wa chisemwa. Ikiye ashinganyekele nge nahase kwingila muchuma ikiye alingile, kulinga chumachimwe chamwaza hali muthuumwe, chize chapwile chakwoloka. Oloze Yakova, mwono wenyi wosena wapwilenga nakupwa na lisesa lya kusemuka, kaha omu mukiko Kalunga amutachikijile ikiye kupwa mushipilitu.

⁹⁰ Talisenu kanawa, kaha lwola lwosena kulingisa mukachisemwa kujinda mukashipilitu. Echi chalingishile Kena kujinda Avele. Echi chalingishile Korah kujinda Mose. Echi chalingishile Yuta kujinda Yesu. Kaha kutwalilaho lika nalika nakuya. Chalingishile chisemwa kujinda mukashipilitu, kupwa kaha Kena hakuputuka kujinda Avele, umwe uze Kalunga atambwile mulambu kufuma, na kweseka kuvenyeka.

Numba vakiko naveseka kwenyeka kufungulula. Vakiko veji kwesekanga kwenyeka vyuma vyosena, mwomwo kacheshi chuma chekako shina lwiso. Echi chaputukile muli Kena na kwinjikiza nge chapwile cha lwiso, kaha echi chili chochimwe na lelo omwo chisemwa (chisemwa) na kuliwana hamwe. Echi chinenjikiza napu Satana, kakweshi jila yekako, mwomwo lwiso lwafuma kuli Satana. Kaha jino kufwanyisa Muchano, muthumwe kweseka kufwanyisa chumachimwe chize kacheshi ko, vakiko kaveshi vakutongola kulinga ngachizeko. Ngachilihi etu twamono mumakumbi akumakumishilo! Mamalelo, yami, ngachilihi echi!

⁹¹ Shikaho etu twamono Kalunga kulinga-...keshi hayamyaka kwalumuna vishinganyeka Vyenyi ha Lizu Lyenyi lyatete. Oloze, vosena Ikiye mwasanyika, uze napu Ikiye kutongola. Naumwe pimbi nahase kumbata chihela. Naumwe pimbi ahashile kumbata chihela cha Mose. Chipwethuhu vangahi va Korah kukatuka, kaha vangahi va Dathan; apwilenga Mose, Kalunga amusanyikile, chipwethuhu.

⁹² Oloze, kaha kachi vathu kaveshi kuhasa kutambuka mu punga Yenyi yakukupuka, Ikiye eji kupwa na punga yakwitavila Ikiye mwaya nakukwecha ove kutambuka nakwingilamo. Talisenu, Ikiye kwitavila echi, chosena chakwoloka, oloze Ikiye mwaya nakuzata mu upahu Wenyi, mu punga Yenyi yakukupuka. Jino kachi ove unatondo. . .

⁹³ Chochimwe nge, kukuputuka, kachapwile punga ya Kalunga ko ya kukupuka hali vana kusemuka hano hamavu kuhichila

muusunda. Nduma, mwane. Kalunga atengele muthu kufuma mulukungu lwa mavu, kuhwimasana cha kuyoya muli ikiye, kaha ikiye ejile nakupwa mwono wakuyoya. Ikiye ambachile kufuma kuli uze lunga mukakumukafwako, kaha atangile pwevo kuli ikiye. Chize chapwile chatete na punga ya Kalunga chatete. Oloze omwo shili yengilile na kulinga chuma chize chalingikile, jino Ikiye etavijile lunga kumbata pwevo, halushimbi, kaha kusema nenyi vana. “Vulisa kaha mavu, kahajino, kachi eyi ikiko jila ove muya nakuchilinga.” Oloze, mwamono, kachapwile punga Yenji yakukupuka.

⁹⁴ Shikangaho, vyuma vyosena vize vyatela kupwa maputukilo vyatela kupwa makumishilo. Shili yosena yatela kwiza na kulyenyeka. Shili yosena yatela kulingika. Shikangaho, mu Likombakaji lyalinene omwo kusanguka chejile, etu katweshi kuhasa kupwa wakusemuka cheka kuli vatata na vamama, oloze Kalunga nge omu Ikiye alingile mukuputuka mwaya nakusanyika muthu kufuma mulukungu mumavu, kaha mukakumukafwako hamwe na ikiye. Echi chakwoloka. Omu mukiko mujila Ikiye alingile hakuputuka.

⁹⁵ Shikaho shikangaho, Kalunga kanda lyehi alumuke vishinganyeka Vyenyi hali kalachuma, oloze Ikiye mwaya nakwitavila ove kuya. Jino, eyi yinapu jila jayisuku yakuya nakumbata chumamuka Ngwatondo kuhanjika hano hali echi. Oloze, kaha, oloze, echi chili, enu namuya... Ngwatondo enu kwivwushisa echi. Talenu? Kalunga mwaya nakwitavila chumachimwe, kaha kumikisula enu mwakulingila, oloze hanga keshi punga Yenji yakukupuka.

⁹⁶ Kalunga etavijile Isalele kumbata lushimbi, mu Kulovoka kapetulu 19. Omwo likoji lyahanyine lyehi kapolofweto, Panda ya mulangi wa Kakahya, mulambu wa mwana mukoko, wakusokola ngolo, oloze vakiko vatambakanyine ha Lushimbi. Echi kachapwile punga ya Kalunga ko, oloze vachifumishilemo mwomwo muthu atondele. Kaha ikiye apwile wakushingiwa ha lushimbi luze ikiye atondele.

⁹⁷ Echi chinapu chamwaza kupwa na punga ya Kalunga. Omu mukiko Ikiye atunangwile. “Mwaya muchima wove unalingi. Wangana Wove wizenga. Mwaya muchima wove unalingi.” Etu twatela kulihana etu vavene ku punga Yenji na Lizu Lyenyi. Kanda kuhula Echiko. Fwelela Echi. Kanda kweseka kuwana jila yakujinguluka Echi. Mbata kaha Echi mujila Echi chili.

Shikaho vavavulu vanatondo kuya nakujinguluka, kupwa mujila ikwavo. Kaha omwo ove mulinga, ove muwana ove lyavene kuya lika, ove muwana kukisula Kalunga ove, oloze ove uli nakuzata mu punga Yenji yakwitavila kaha keshi mu kukupuka Chenyi, punga ya Ukalunga.

⁹⁸ Ikiye kwitavila echi, nge omu Ngwahanjikanga, oloze Ikiye keshi—Ikiye keshi kuhasa kwecha echi kupwa punga Yenji

yakukupuka; oloze Ikiye mwaya nakupwa wakuzata nakuneha kavumbi na kukisula mwaya kukupuka cha muchima Wenyi. Kaha kusema vana, kuhichila muusunda, hichuma chimwe.

⁹⁹ Jino talisenu, Mowave, kuputuka na, apwile lifuchi mwana wakuzeneka ise. Echi chaputukile kulovoka, mwana wakuzeneka ise, olozenyi na—na ise kufwelela na mwanenyi wapwevo wakuzeneka kufwelela.

Kupwa kaha vene, kachi ove kupwa muyachi nge kuzachisa vishinganyeka vya mushipilitu, enu munahase kumona chize chikungulwilo kwimana kuze hatoma to nge kalachuma. Punduvene. Talenu, chuma chosena chili hamwe chakuhenga. Kaha, kutala, omu echi chanehele, kuputuka nge ngachize, kanda lyehi. . . Echi kulama, nge ngunja ya meya amakaza, echi kutwalilaho kujingulula chikuma na chikuma na chikuma. Ove ukwechi kuhenga, kaha kuputuka kuhenga chimwe, kaha ove kutwalila kungulumuka chuma chimwe hanyima ya chimwe chikwavo, kaha chumachimwe nge mukwavo, vosena hali umwe namukwavo.

¹⁰⁰ Kaha omu mukiko mujila liuka lya putukile. Omu mukiko mujila ya putukile ku Nicaea, mu Loma, omwo liuka lya Katolika lyamu Loma. . . Ha kuputuka vene, kulihi chafumine, kwapwile Pendekosita. Oloze omwo vakiko valivwasanyine na kuneha kuwahilila, kwingila muliuka, vakiko vaputrukile kupwa, kupwa na malombo, kaha kupwa na usanga, na—na kulomba ha kufwa, kaha vyuma vyosena. Kaha jino kuputuka kungalumuka, kufuma mukuhenga chimwe kuli umwe namukwavo, kuhenga chimwe nachikwavao, palanga kutala kuli nakuya. Kakweshi numba umwe kwimanyinako cha pendekosita ko, numba mumwe. Talenu? Echi chili kuseuka chimwe kumbata mukwavo, kumbata mukwavo. Kuli kaha chuma chimwe chakulinga, chize chili, kutomesa na kuya kunyima kukuputuka.

¹⁰¹ Omwo Martin Luther aputukile kufuma na kuvulukila kwoloka. . . Echi chatela kupwa hakamwihi, liuka lya Luteleni. Talenu? Kachi. . . Luther, omwo ikiye alivwasanyine, ikiye kahashile kumbata kujilikiwa vya Wesley, mwomwo ikiye apwilenga wakulivwasana; kaha malunga kavahashile kwimana hali chizeko, shikaho Shipilitu yalovokele kufuma muli chize.

¹⁰² Jino, lizavu lya Lote hano; mokomoko, Mowave apwilenga mwana wapwevo wa Lote, mwana wakuzeneka ise kukuputuka. Jino talisenu, nge liuka lya chisemwa, Mowave, kwimanyinako chikungulwilo.

Isalele kwimanyinako Liuka lya mushipilitu. Isalele, kuze kwapwile liuka lya muchano, apwile mwenga wa lize likumbi, vavuluka kupwa Ejipitu, kaha kwinjikiza kupwa muchano.

¹⁰³ Talisenu omwo vakiko, vakiko vavali vejile hamwe. Vosena muli vakiko kuhana mulambu woumwe, vosena kutunga,

tumenga vatanu navavali, vosena kuhana mulambu utoma, ngombe. Kaha vakiko kuhana vangombo, kuvuluka nge kuli nakwiza Meshiya. Kuchikuku, vakiko vapwile vosena mwomumwe. Isalele, muze mu chinema; Mowave, kukanduka hapili. Kaha Mowave na tumenga seveni; Isalele na tumenga seveni. Mowave na vangombe; Isalele na vangombe seveni. Mowave na vakuji vatanu navavali, kuhanjika kwiza cha Meshiya; Isalale na vakuji vatanu navavali.

Chihandwa muka chapwile muli vakiko? Kuchikuku, chosena chakwoloka. Oloze, mwamono, Mowave kapwile na kwinjikiza cha Kalunga na vakiko; vakiko vapwile kaha lifuchi, lizavu lya kuwahilila. Oloze Isalele apwilenga na kapolofweto navakiko. Vakiko vapwile na Lilolwa lya kuveta navakiko. Vakiko vapwile na Panda ya mulangi wa Kakahya. Vakiko vapwile na linoka wa unengu, wa kuka. Vakiko vapwile na kukisula cha Kalunga kutambuka hazevene navakiko, kaha vakiko vapwile vana vakusanyika kuli Kalunga.

¹⁰⁴ Jino etu tunawane nge chifwanyisa chakukupuka hano mumauka a lelo. Nge, Mowave kavapwile ngochoko shikaho. Isalale apwile mukakuzuzumana kufuma muchihela na kuchihela; kwosena ize Panda ya mulangi wa Kakahya kutambuka, vakiko vatambukile na Echi. Mowave, keshi ngocho; vakiko vapwile vakutwama muvikungulwilo vyavo, muze mulifuchi lyavo. Vakiko kavatambukako, vakiko vatwamine hazevene. Vakiko vapwile na kuwahilila chavo. Vakiko vatongwele vyuma nge omu vatela kulinga, kaha vakiko vapwile maswalele avo, vakiko vapwile na vakakuzunga javo, vakiko vapwile na mwangana wavo vakiko vapwile, nge vakiko vapwile na jishimbi javo kufuma, kaha shikaho nakutwalilaho.

¹⁰⁵ Oloze Mowave vamwene Isalele na chumachimwe chize vakiko vahonene kupwa nacho. Vakiko vamwene ngolo jainene mukachi ka Isalele, kaha apwile kapolofweto. Kaha uze kapolofweto apwilenga Mose. Kaha vakiko vatachikijile nge omwo jita yahengele, vakiko kupwa kaha vakukatula mavoko na kuvakwachilila kuze, kaha jita kwalumuka. Shikaho vakiko kavapwile na ngachizeko, shikaho vakiko kweseka kupwa hamwe na milingu, nakukoka cha milingu. Vakiko kutuma kuya kuli lifuchi lyeka kaha kukumuna kapolofweto kwiza nakuhita, shikaho vakiko vatelele kupwa na kapolofweto, kaha kupwa na ngolo mukachi kavu nge va Isalele vapwile mukachi kavu.

¹⁰⁶ Enu mwamono kupezalisa chisemwa cha chisemwa? Munahase kumona liuka lya chisemwa lelo? Echi chinalingika chuma chochimwe.

¹⁰⁷ Tachikizenu, jino, vakiko vali vosena nakuya nakupwa na tupolofweto. Chihandwa kaha chapwileho, Mose, uze kapolofweto wa Kalunga, Mwangana wenyi apwile Kalunga. Muze mukiko ikiye atambwile jishimbi, eli Lizu lya Mwata.

Kaha Mbalamu, ikiye nawa, ikiye apwile na mwangana, kaha uze mwangana apwile Mbalaka, uze mwangana wa Mowave, kaha haze hakiko ikiye atambwile jishimbi na kukisula chenyi. Shikaho Mowave ahanjikile kuli Mbalaka, “Twaya kuno,” mokomoko Mbalamu, ambile ngwenyi, “kwiza nakushikumuka na kungwangwila vathu, mwomwo vakiko vali kwilu lya mavu kwosena. Vakiko vejile na kulesa vyumavyosena nge ngombe kulesa mwila.” Ambile ngwenyi, “Twaya kuno jino. Kaha Ngunevwushisa nge enu munahase kwangula, enu munahase kukisula, kala chuma enu munatachikiza.”

¹⁰⁸ Jino, etu twatondo kutalisa nge ou lunga apwile kapolofweto wakatongola kuli Kalunga, oloze ikiye alanjishile utwatwa wenyi kukushinganyeka cha milingu. Kupwa kaha nge liuka linalingi lelo, nge Luther, Wesley, Pendekosita, na lizavu lyosena lya vakiko, kulanjisa nakukoka chikungulwilo. Mose, mwishi ya Kalunga; Mbalamu, mwishi ya Mbalaka. Oloze, tupolofweto vosena vavali vavulukile kupwa muthu wa Kalunga, na vosena vavali vashipilitu. Tachikizenu chihandwa. Wosena apwile na mutwe: Mose apwile Kalunga, Mbalamu apwile ka Mbalaka.

¹⁰⁹ Talisenu hano omu navahaka vya mushipilitu, kwinjikiza nge kuhenga cha chisemwa. Mose, wakatuma kuli Kalunga, mumukana wa mulimo, wakuwana na kumuhonesa kapolofweto weka wa Kalunga. Munahase kushinganyeka chize! Mose, avulukile Kalunga, wakatongola kuli Kalunga, kwimana hamulimo wa Kalunga; kutambuka mukututa, lizavu lya salusalu, kaha apwile wakuhonesa kuli kapolofweto wa Kalunga, chumamuka Kalunga nakisula na kutongola. Nauya ngachilihi nakutachikiza chihandwa? Vakiko vosena vapwile na tupolofweto. Kalunga ahanjikile kuli tupolofweto vavali.

¹¹⁰ Kaha vamwe vavo ngwavo, “Kalunga ngwenyi, ‘Linga *echi*.’ Kalunga ngwenyi, ‘Linga *echi*.’” Jino, Ngunahono kutachikiza echi, oloze chafumine mumukana wa Lizu lya Kalunga. Uze kapolofweto, chipwethuhu kachi ikiye napu kapolofweto, ikiye nafumu mumukana. Vathu vavavulu veji kuhungumwisa ngachize. “Mamalelo, *ou* ndumbu walunga nahase kulinga *echi*, kaha *ou* ndumbu walunga nahase kulinga *chize*,” kaha kukana eli Lizu?

¹¹¹ “Chipwe Nanguhanjika mulilimi lya vathu na vangelo, chipwe nge Nguli namawana, nge Ngunahase kutambuka jipili, chipwe Nanguhana vyuma vyami vyosena nakulisa vakakuhutwa, Kangweshi chumako.”

“Vavavulu navakeza kuli Yami muli lize likumbi, na kuhanjika, ‘Mwata, Mwata, kumana Kangwa polofweteleko mu Lijina Lyoveko? Kumana, mu Lijina Lyove, Ngunatapula maliyavolo na kulinga milimo yayinene?’ Kaha Nangukaya nakuhanjika kuli vakiko, ‘Fumenuko, enu...Fumenu kuli Yami, enu vakakuzata mwa upapwoke. Kangwamitachikizako.’”

Oloze, vakiko vejile na kwitavila chize vakiko valingile, oloze Yesu ngwenyi vakiko vapwile vakakuzata mwaupapwoke. Upapwoke chumamuka? Chili chumachimwe chize enu munatachikiza enu mwatela kulinga, echi chili chakwoloka kulinga, kaha ohonyi enu kamweshi kulinga echiko. Talenu chuma muka nachiya nakupwa mumakumbi akumakumishilo?

112 Ivwulilenu mukana wosena! Ize ikiko pungu yami ufukuuno. Ngwambile ngwami Nanguya nakupwa na nayini koloko, oloze Nguli nakuya nakupwa chindende hanyima, pamo. Tala, chize chapwile pungu yami yosena, kusolola ove ou mukana, ha Lizu lya Kalunga, talenu, chize—chize Kalunga atela kulama Lizu Lyenyi mangana atwame Kalunga.

113 Jino, etu kotalisa nge vosena vapwile malunga vapwile vakashipilitu, vosena vapwile tupolofweto, vosena vapwile vakusanyika. Kaha Mose, muzevene mumukana wa mulimo, na Panda ya mulangi wa Kakahya kumeso eyi likumbi, eyi Shipilitu ya Kalunga hali ikiye, mumukana wa mulimo. Hano kwejile ngamba mukwavo wa Kalunga, avulukile Kalunga, wakutongola kuli Kalunga, kapolofweto kuli ikiye Lizu lya Kalunga lyeji kwizanga kuli. Hano hakiko hali ukalu waponde. Kakweshi muthu nahase kulipula uze muthu kupwa wa Kalunga—wa Kalunga, mwomwo Mbimbiliya ngwayo Shipilitu ya Kalunga ahanjikile kuli ikiye, kaha ikiye apwile kapolofweto. Oloze, mwamono, omwo ikiye atambwile kukumbulula chivene kufuma kuli Kalunga, ikiye keshi kuhasa kulama Echiko. Ikiye katalishile Echiko, jino ikiye ayile nakuhonesa Mose.

114 Jino, Mbalamu atondele muchima wa Kalunga, na muchima wenyi wosena. Jino, omwo ou lunga wamunene ejile kaha ngwenyi, “Mbalamu! Mbalaka mwangana atumine, nge ove mwiza kuli ikiye hazevene na kwangula vathu va Isalale, mwomwo vakiko vanalimwa kwosena hamavu, kaha jino vakiko vali muchilombo navakiko. Kaha vakiko kulesa kala wangana, mwishi yavakiko. Kaha jino etu twatondo ove kwiza na kwangula ava vathu. Mwomwo, Ngunevwushisa nge kachi enu mwangula kalamuthu, ikiye napu wakushingiwa.” Jino, mwamono, ikiye apwilenga muthu wa Kalunga. “Chuma muka ove wakisula, kukisula.” Ikiye apwilenga ngamba ya Kalunga.

115 Kaha Mbalamu jino ashinganyekele, kupwa kapolofweto, “Kuli kaha chuma chimwe kuli yami kulinga, kaha chize chikiko cheji kutondanga chuma muka chili muchima wa Kalunga.”

116 Ou unapu mulimo wa kapolofweto, kachi ikiye vanamuvuluka kupwa kapolofweto. Chatete, chumamuka kapolofweto kulinga? Atela kutonda pungu, eli Lizu lya Kalunga. Ikiye atela kuchilinga. Mwomwo, hakupwa kapolofweto, eli Lizu lya Kalunga lyejile kuli ikiye. Va... Vakiko ngwavo, “Chamwaza, ove kaweshi mukakulinangula vyauthu ko.” Kumana Mbimbiliya kayahanjika Lizu lya Kalunga

lyejile kuli vakakutanga vyauthu. Vakiko vanapu umwe uze eji kulimwanga Echi. Eli Lizu lyeki kwizanga kuli kapolofweto ka Kalunga.

¹¹⁷ Kaha hano apwile lunga uze apwile kapolofweto wa Kalunga. Kaha omu ikiye apwile wakukumuna, kupwa wakukumuna, kwiza nakuhita na kushinga vathu vakwavo va Kalunga, talisenu, ikiye ayile nakutonda punga ya Kalunga. Kaha ikiye atondele kutachikiza punga Yenji yakukupuka, kaha Kalunga amuhanyine Ikiye punga Yenji yakukupuka mulwola kana. Punga yenji vayihanyine kuli ikiye. Chumamuka chapwile muchima Wenji? “Kanda kuyako!” Chize chinapu Lizu lyatete lya Kalunga. “Kanda kuya navoko. Kanda kweseka kutuluka vathu Jami, kutambuka mujila Yami yakukupuka.”

¹¹⁸ Omu mukiko chili na lelo, kutonda kulipika, na vyuma vyosena nawa, omwo vakiko navamona Shipilitu ya Kalunga kuzata mukachi kenu. Kaha vakiko vali nakweseka, vakiko kweseka echi hamyaka, kukindulwisa Echi hamavu. Oloze omu vakiko naveseka kushikumwisa Echi, omu yakolele chikuma Echi. Enu kamweshi kuhasa kushinga chumamuka Kalunga nakisula. Ove kaweshi kuhasako. Ove kaweshi kuhasa kulinga ngachizeko.

¹¹⁹ Shikaho, mwamono, chize chapwile vathu ja Kalunga. Jino, uze kapolofweto, chipwe ikiye apwile kuze kaha kumukumuna kuli mwangana, kuzata mukachi kava kakuwahilila, na vyangocho. Kaha eli Lizu lya Kalunga lyejile kuli ikiye. Ikiye atondele punga ya Kalunga, kaha punga ya Kalunga kujanjika kuli ikiye, kaha ambile ngwenyi, “Kanda kwangula ava vathu kanako. Ngwavakiswile.”

¹²⁰ Jino kakweshi mukakulinangula vyauthu mwishi ya utangatanga uze nahase kukana ou Mujimbu uze etu tuli nakunangula, oloze chuma Echi chili vene Lizu lya Kalunga hano vene mulwola. Kalunga kwinjikiza vyuma vimwe vize ikiye ahanjikile mokomoko kulinga, Ikiye kwinjikiza Echi kupwa chakwoloka. Jino, kakweshi mukakutanga vyauthuko, kakweshi mukakutanga Mbimbiliya, kakweshi kapolofweto, nahase kutala mu Lizu, kachi ikiye napu kapolofweto, ikiye mwaya nakumona chuma chochimwe. Oloze kachi ikiye mwahona kumona chuma chochimwe, chize kusolola kuli chumachimwe chakuhenga. Mwomwo . . .

¹²¹ Ove muhanjika, “Chamwaza, mamalelo, Ngunahase kukindwilsa noku noku.” Shikaho mukiko alingile na Mbalaka, Mbalamu. Talenu? Oloze Kalunga amwinjikijile Mose.

Kaha jino chinjikizo muka? Eli Lizu lya Kalunga. Kaha ikiye ewwile hatoma, kusakula chakuvatula kuli Kalunga, “Kanda ove muyako. Kanda kweseka ku—ku changu chuma Ngunakisula. Vakiko vanapu vathu Jami.”

Oloze munatachikiza chumamuka? Mbalamu kavazangile vaze vathuko, kukuputuka. Mamalelo, chuma muka . . . Vangahi va Mbalamu vali mukaye lelo! Ikiye kazangile lize lizavuko, kukuputuka.

¹²² Jino, hanyima ikiye atambwile kusakula cha Kalunga, “Kanda ove muyako,” oloze, enu mwamono, kachi mulinge echi, chapwile chumachimwe nge Kena, nge Korah, ikiye nalwiso, kaha ikiye—ikiye atondele, mulonga kuya, mwosena omwo.

¹²³ Talisenu, Jiheadquarter ja vikungulwilo, hanyima ikiye yakumukindulwilsa, ambile ngwenyi, “Nduma, kanda kufwelela Nanguya nakushikumuka. Kanda kufwelela Nanguya nakupwa nakala chuma chakulinga na vakiko. Kangweshi kulipika navathi, mwomwo Kalunga nalingi kungulweka vakiko vanapu vathu Jenyi, kaha Kangwafwelela nge Nanguyako.” Kachi ikiye atwamine na chize!

Oloze, mukachi ka muchima wenyi, ikiye kazangileko. Talenu? Vakiko kavapwile lizavu lyenyiko. Kaha kalachuma chize kachapandama mulizavuko, “kachapwile chakwolokako, kukuputuka.” Talenu? Kaha ikiye atalile hali vakiko, ngwenyi, “Kunapunga vyuma vimwe vyavipi vize vathu valingile. Punduvene Kalunga wakujila mwaya nakushinga vathu kana nge ngachizeko. Vakiko vali—vakiko vali vakuzeneka kutanga. Vakiko kaveshi vakutangako. Etu tuvathu vautongwe. Mamalelo, vakiko veji kuvulukanga kuzachila Kalunga, oloze, tala hali vakiko, chuma muka vakiko? Lizavu lya, mwomwoika, lizavu lya vandungo, vakakukwata ndambo, vaze va Ejipitu vavalamine kuze. Mwomwoika, Kalunga keshi kuhasa kupwa nakala chuma chakulinga na lizavu lya majilo nge ngachize!”

¹²⁴ Ikiye ahonene kumona lize Lilolwa lya kuveta kaha uze linoka lya unengu, ize Panda ya mulangi wa Kakahya. Ikiye esekele kuvasopesa kufuma muujila. Ikiye ahonene kumona kusanyika chahelu cha Kalunga. Ha likoji, ha kusakula, vakiko vapwilenga mumukana, na Lizu lya Kalunga. Kaha omwo ikiye atondele kuvangula vakiko, Kalunga ambile ngwenyi, “Kanda ove kuchilingako. Vakiko vanapu Vami. Vaseze vakiko ukawavo. Kanda kukwata vakiko.”

¹²⁵ Jino, shikaho uze lunga alumukile, akindulukile. Jino tala ha jiheadquarters, chipwethuhu, omwo ikiye akindulukile. Vakiko vatumine lizavu lya vakakufungulula. Lwola luno vakiko pamo vanapunga vamwe, kachi kupwa kaha nge kala muthu, vakiko vatela kupwa mandotolo va kutahisa kwiza muli elu lwola. Vakiko vanahase kupwa mambishopu, mokomko pamo kupwa vakakutangisa vamumbongi, ha vyosena . . . Ikiye atumine na—na—na lizavu lya mwaza, kaha na—na lizavu lyalindende lyakufungulula, muthuumwe uze apwilenga nakutanga chakutamoko kaha kupwa nakuhaka mavoko kupwa jila kupwa kanawa, yinahase kupwa yakutamo.

¹²⁶ Talenu, muze mukiko Kena alingile; ikiye kushinganyekaho. Omu mukiko Korah alingile; Echi chili keshi ikiye kushinganyekako.

“Etu twatambile kushinganyeka.” Etu twafwelela Kalunga, chipwethuhu kala chuma mwahanjika. Etu twafwelela Kalunga. Etu katweshi na mulonga omwo ahanjikile Kalunga. Ove kaweshi kuhasa kushinganyeka na Echiko. Ove watela kwitavila Echi ha lufwelelo. Kaha kalachuma ove unatachikiza, ove kawatela kushinganyeka kala chumako. Ngunahono kutachikiza omwo Ikiye eji kuchilinga; Ngwafwelela kaha Ikiye eji kuchilinganga. Ngunahono kutachikiza omwo Ikiye mwaya nakulama luze lushiko; oloze Ikiye ambile ngwenyi Ikiye mwaya nakuchilinga. Ngwafwelela echi. Ngunetavila echi ha chikuku chize Ngwafwelela nge eli linapu Lizu lya Kalunga.

Ove ngwove, “Chamwaza, ove kaweshi kuhasa kupwa nachizeko.” Ngunahono kutachikiza omu Nanguya nakupwa na echi, oloze Ikiye ambile ngwenyi, “Hanjika echi.”

Ngunanuka kafunga ka Mbaputishiti angulwekele yami, ngwenyi, “Mwomwoika, Billy, ove muya nakunangula kujisengwa muliuka. Mwomwoika, ove unashinganyeka nge kalamuthu mwaya nakwivwa chuma nge ngachize?”

Ngwambile ngwami, “Kalunga nahanjika ngocho.”

“Nauya ngachilihi nakupwa, na kutanga cha mango seveni, kulombelela va myangana, na kunangula mukaye kosena?”

¹²⁷ Ngwambile ngwami, “Ngunahono kutachikiza omu Nanguya nakuchilinga, oloze, Ikiye ahanjikile ngocho, kaha chize chinapu chamwaza chikuma kuli yami.” Talenu? “Ikiye ahanjikile ngocho. Ngunahono kutachikiza omwo nachiya nakulingika.”

Ikiye ambile ngwenyi, “Kutala ove kushinganyeka vathu muli unene, kaye kakutanga nge kuya nakwimana nakufumbukila, hali ou mutwe wa kuka cha Ukalunga na vyangocho, enu munashinganyeka vakiko navaya nakufwelela echi?”

¹²⁸ Ngwambile ngwami, “Echi kacheshi cha yamiko kutachikiza nge vakiko vafwelela Echi mokomoko chiku.” Ngwambile ngwami, “Mulimo wami uli wakunangula Echi. Muze mukiko Ikiye angulwekele yami. Ikiye ambile ngwenyi Ikiye mwaya nakupwa na yami, kaha Ikiye angulwekele yami chuma muka nachiya nakulingika.”

Kaha echi chinalingika vene omwo Ikiye ahanjikile nge nachiya nakulingika. “Chatete, kwata mavoko avo; kahajino nachiya nakwiza nakuhita nge ove muya nakutachikiza kusweka cha michima yavo.” Kaha Ngwamilwekele echi, kaha chasolokele muli ize jila. Mwachilinga ngachilihi? Hanga

ngunahono kutachikiza mwakulingila. Echi kacheshi chamiko omu mwakuchilingila; chili chakulinga lyehi.

¹²⁹ Hiya nahase kulumbununa omwo Kalunga amulwekele Elija, “Yako kanduka kuze na kutwama hapili, kaha Nangukaya nakukulisa. Ngunalweke vaze—vaze makololo kukulisa ove”? Nyi likololo mwabata ngachilihi chihnda cha mbolo na chihanda—chihanda cha ishi, chakuteleka, kaha kumunehela kapolofweto? Chize chinahambakana kalachuma Ngunahase kulumbununa. Kangweshi nakushinganyeka nge munahase kupwa, mokomoko kakweshi muthu nahase. Oloze Ikiye achilingile. Chize chikiko kaha chakutam. Ikiye achilingile, kaha ou unapu muchano wa echi.

Omwo Ikiye alingile chize, Ngunahono kutachikiza; kacheshi mulimo wamiko. Oloze Ikiye achilingile. Omwo Ikiye atungile mavu, Ngunahono kutachikiza; oloze Ikiye achilingile. Omwo Ikiye atumine Mwana Neyi, Ngunahono kutachikiza; oloze Ikiye achilingile. Omwo Ikiye asangukile kufuma kuvafu, Ngunahono kutachikiza; oloze Ikiye achilingile. Kaha Ikiye angulwilile yami ngachilihi? Ngunahono kutachikiza; oloze Ikiye achilingile. Echi chakwoloka. Kaha Ikiye akulwilile ngachilihi? Kangweshi kuhasa kumilweka enu; oloze Ikiye achilingile. Ikiye anguhishile ngachilihi? Ngunahono kutachikiza; oloze Ikiye achilingile. Ikiye ashikile Ikiye mwaya nakuchilinga, kaha Ikiye alama Lizu Lyenyi.

Jino, Mbalamu atelele kutachikiza chize, kaha ikiye atachikijile kanawa.

¹³⁰ Talisenu kanawa, chili chamwaza, lizavu lya kufungulula, kwiza, kaha chamwaza? Vakiko kupwa namawana ambwende. Kaha keshi ngocho kahako, vakiko vanahase kumuhana ikiye mali amavulu, kaha vakiko vahashile, kumuhana ikiye chihela chamwaza. “Jino, kusali kaha mukakuzata muliuka, etu natuya nakukulingisa ove kupwa mukulwane wa mbongi. Talenu? Chize, etu natuya—etu natuya nakulinga chumachimwe hali ove kachi ove muya kaha nakupwa lizavu lya vathu muze, talenu, kaha kwimika chize.” Mamalelo, vakiko vamuhanyine chihela chachinene. Ambile ngwenyi, “Omu naukisula chikuma...” Ambile ngwenyi, “Munatachikiza, Ngunapu wakutela kukukulisa mumulimo.” Tala ikiye ali nakumbata mazu eyi kufuma, mutwe wa lifuchi.

¹³¹ Kuze kwapwilenga Mose apwile na Lizu lyenyi kufuma kulihi? Uze Mwangana wa Mwilu. Umwe apwile Lizu lya lushiko lwa Kalunga, “Nanguya nakukumbata ove kulifuchi lya lushiko, kaha naumwe muthu mwaya nakwimana kumeso ove. Nanguya nakutuma vandoji kumeso ove na kuvashinjikamo, kufuma kuchilyo na kuchimoswe. Kaha ove uli nakuya nakumbata lifuchi. Nguna shiki-...Ngunalihane kuli ove. Yako lika, limbate, lihete; linapu lyove.” Kaha jino, talenu, uze Mose apwile

nakwivwulila. Kaha ou lunga apwile nakwivwulila palanga nomu lyejile kuchumachimwe mumuchima wenyi ivene ikiye apwile nalwiso, kaha shikaho jino ikiye ayile kumutwe wenyi wakatanga. Talenu?

¹³² Talisenu, chihela chamwaza. Ikiye ambile ngwenyi, “Munatachikiza Nguli wakutelamo kuli ove? Nanguya nakukulisa kukutwala kuchihela chambwende. Nanguya nakulinga hali nove chikuma. Nanguya nakukatula fweto yove. Nanguya nakukuhana fweto yambwende.” Kaha omu ikiye amuhanyine vyosena evi, vyamwilavishile meso.

¹³³ Vangahi va Mbalamu vali mukaye lelo, chize, ha chihela chamwaza, liuka lya mwaza, lushiko lwa chumachimwe! Omwo muthu mwaheta meso eyi asokolokele ku Lizu na kuzata cha Kalunga. . . Kaha uze lunga wamwaza, uze akwechi kufungulula, mwaya nakuputuka nge ngamba ya Kalunga, kaha ikiye akwata chikungulwilo chamwaza. Hanyima chindende, lujimiko lwa Shipilitu Wajila vanamusolola kuli ikiye; lujimiko mu Lijina lya Yesu valisolwele kuli ikiye, echi chinapu Chisoneka kaha jila ya Chisoneka kujimika. Kaha omwo echi vanachisolola kuli ikiye, kaha chikungulwilo vanatachikiza vakiko kuya nakujimbalisa ikiye omwo ikiye aputukile chize, vakiko vamuhanyine chihela chamwaza kaha kwalumuna na liuka. Talenu, kashinakaji Wachimbalamu, cheka, kupwa vene nge omu apwile kumaputukilo.

¹³⁴ Jino, uze lunga kutanga eyi Mbimbiliya, ikiye keshi kuhasa kutanga Echiko kuvangila ikiye mwamona nge ou unapu Muchano. Kuze kakweshi muthu umwe wakujimika kuzachisa mitwe ya “Tata, Mwana, Shipilitu Wajila.” Echi chinapu jishimbi ja Katolika kaha keshi Kunangula cha Mbimbiliya ko. Kakweshi muthu mu Mbimbiliya apwile wakujimika, mokomoko mumyaka seli handulendi hanyima ya kufwa cha kapositolo wamakumishilo, oloze vajimikilenga mu Lijina lya Yesu Kulishitu. Liuka lya Katolika lya putukile ngachize, kaha vosena vejile kuli chize. Kaha kala mukakuzata kutwama mukutanga chenyi na kutala hali chize, kutachikiza nge ou unapu Muchano, oloze hapuho, kukwachilila chihela chenyi, kupwa na vishinganyeka vya mbwende muka chi ka vathu, ikiye kakavangijileko.

“Chamwaza,” ove ngwove, “Kalunga amukiswile ikiye.”

¹³⁵ Punduvene, vamwe vavo vakwechi mawana akuka, vamwe vapwile na kutangisa chachinene. Kaha chize chajimine muzevene kumeso avo, kaha vakiko kupwa nakukumbulula chochimwe kufuma mu Lizu lya Kalunga nge enu mokomoko kala muthu mwaya nakupwa nacho; Kalunga kalumukako. Talenu omu Ngwatwale?

¹³⁶ Mbalamu, ha chihela chamwaza, ikiye ashinganyekele. Jino tala, omu lize lizavu lyambwende kwiza kukinduluka,

chakwoloka...Mbalamu, hano, kutala mukanda wahashinga. Talenu? Ikiye ambile ngwenyi...Lize—lize lizavu lya mwaza lyejile cheka, ikiye—ikiye atela kupwa nakuhanjika, “Fuma kumeso ami! Ngunamilweke Lizu lya Kalunga. Yako! Echi chinapu MUKIKO MWANAMBE MWATA.” Oloze, mwamono, mawana, kaha kupwa muthu wapuhu!

¹³⁷ Mamalelo, omu vakiko vanatondo kulinga echi! “Etu natuya nakukutumina kaye kosena. Etu natuya nakumihana ndeke yakulimanyina. Etu natuya nakukafwa kuliwana chenu kwosena kachi ove muya kaha...” Mamalelo, nduma. Huu-hu. Talenu?

Etu tunatachikiza omwo eli Lizu nalianjika. Etu tunatachikiza omwo ahanjikile Kalunga. Etu natuya nakutwama na chize, ha kukafwa cha Kalunga. Talenu? Chipwethuhu muyachi uka walushiko, kaha naufweta vingahi, kaha vangahi *echi*, *chize*, mokomoko *chikwavo* ove unahase—ove unahase kuneha; etu twatondo MUKIKO MWANAMBE MWATA, kaha chuma Ikiye ahanjikile *Hano* chatete.

“Chamwaza, eli liuka ngwalyo, ‘Eyi ikiko jila yamuchivali.’”

Etu twatondo omwo ahanjikile Kalunga kukuputuka. “Kaha kalachuma nachihakilako kuli Echi mokomoko kufumisa muli Echi, numba lijina lyove naliya nakumbata Mukanda wa Kuyoya; kuhaka lizu limwe kuli Echi, mokomoko kumbata Lizu limwe kulifumisa kuli Echi.” Etu twatondo chuma muka Ikiye ahanjikile; keshi nge omu yahanjika liuka, chuma muka Ndotolo Jones ngwenyi, chumamuka mthuumwe weka ahanjikile. Etu twatondo chumamuka MUKIKO MWANAMBE MWATA ambile ngwenyi, chuma eli Lizu linahanjika.

¹³⁸ Oloze jino etu tunawane Mbalamu, ngamba ya Kalunga. Kaha vathu vavavulu veji kuputukanga, kaha vali vakutongola kuli Kalunga, kaha kuhanjika Lizu lya Kalunga mu vyuma vyavivulu; oloze omwo nachiza na Muchano wa kuzala, vakiko kaveshi kuhasa kuchilingako.

¹³⁹ Talisenu hano, nge kapolofweto ka Kalunga, ikiye kachi vamukwachile mulizavu kanako nge ngachize, kukuputuka. Ikiye kachi kayileko na vakiko. Oloze, tala, mwomwo ya puho, talenu, ha chivezu chenyi, ikiye ngwenyi, “Chamwaza, twama ufuku wosena, kaha Nanguya nakweseka cheka.” Talenu, “Nanguya nakweseka cheka”? Chuma muka ove unatondo kweseka cheka?

¹⁴⁰ Kalunga amulwekele ikiye ocho kuhanjika. Kalunga ngwenyi, “Valweke nge ove kaweshi kuya ko.” Lize likiko Lizu Lyenyi lyatete. “Kangweshi kuya ko. ‘Kaha kanda ove muyako. Kanda ove kwangula chuma muka Ngunakisula.’” Jino tala omwo chamukindulukilile hali ikiye, hanyima chindende. Talenu? Kaha nachiya, lwola lwosena. Omwo Kalunga mwahanjika kalachuma, Ikiye natwale echi. Ikiye kalumukako vishinganyeka Vyenyi hali echi. Ikiye atwamine na

Lizu Lyenyi. Chipwethuhu kala muthu mwahanjika ika, Ikiye kutwama haze na Lizu.

¹⁴¹ Jino, Mbalamu atelele kutachikiza kanawa. Ikiye atelele kumuhanga lyavene kufuma mulizavu lya mwaza. Oloze aze mawana amwaza na lushiko lwa mwangana, ngwenyi, “Munatachikiza Ngunahase kuchilinga. Yami ngumuka mbishopu. Ngunahase kulinga kala chuma Ngwatondo, kaha Nanguya nakukukulisa kachi ove mwiza nakungulingilacho.”

Kaha Kalunga amulwekele ikiye, “Kanda kuchilingako.”

¹⁴² Oloze ohonyi Mbalamu ambile ngwenyi, “Enu, enu twamenu ufuku wosena, kaha Nanguya—Nanguya nakweseka cheka.”

Talenu, ikiye apwilenga na Lizu. Ove kawatela kulipula jipami chekako hali Echi. Kalunga nalingi ngocho. Na lizavu nge ngachize, vakiko lwola lwosena kuhanjika ove kufuma mupunga ya Kalunga, kachi ove muya nakwecha vakiko.

¹⁴³ Kuze kwapwile lizavu limwe lya kwiza kuli kapolofweto, lwola lumwe, walijina lya Yopa. Vakiko kavahashile kuhanjika ikiyeko. Ikiye amwene chimweno. Ikiye atachikijile chuma muka chakwoloka.

Mbalamu amwene chimweno, kaha chochimwe katwamine na Echiko.

¹⁴⁴ Chipwethuhu chipwenga ngachilihi na lizavu lyenyi kuhanjika, “Mamalelo, Yopa, ove watela kulinga *echi*, ove watela kulinga *chize*.” Numba pwevo lyenyi, ikiye ngwenyi, “Ove hanjika nge muthu wachileya.” Talenu? “Ngunatachikiza omwo Mwata ahanjikile. Ngunatachikiza chuma Ikiye atondele, kaha omu mukiko Ngunalingi.” Talenu, ikiye atwamine na chuma Kalunga amulwekele ikiye.

¹⁴⁵ Talisenu, Mbalamu kuzachisa echi kutanga cha makanya ha chivezu chenye. Talenu? Ikiye ambile ngwenyi, “Chamwaza, Nanguya—Nanguya nakuwana. Nanguya nakweseka cheka.” Jino, kuze kukiko ove mwiza, jila yamuchivali. Vangahi va Mbalamu etu tukwechi ufukuuno, nge ngachize kuzachisa mukanda wahashinga wa Mateu 28:19 kupwa kaha na chiveu? Vangahi vanatondo kuzachisa Malaki 4 ha chivezu chavo? Vangahi vanatondo kuzachisa Luka 17:30 ha chivezu cha chivezu? Vangahi vanatondo kuzachisa vyuma kana, oloze, “Chamwaza, Nangumilweka, Ngwa—Ngwafwelela vakiko vosena vali vakufutula hali Chize”?

¹⁴⁶ Kaha jino hano apwile Mbalamu kweseka kuhanjika, “Pamo pamo Kalunga afutula. Nanguya nakweseka cheka, talenu, talenu chuma Ikiye ahanjikile.” Jino, Ikiye atachikiza muchima wove. Talisenu, Mbalamu kuzachisa mukanda wahashinga hakupwa mwomwo ya chivezu, mwomwo, vene, ikiye atondele aze mali. Ikiye atondele vase vavalemu. Ikiye atondele chize. Ikiye atondele uze mulimo. Ikiye atondele chize chihela, kupwa

nakusoloka, nge Ndotolo *Munganji mukananga*. Shikaho ikiye—ikiye—ikiye ngwenyi, “Nanguya nakweseka cheka.”

147 Mamalelo, kuli va Mbalamu muno mukaye ufuku uno, vanavashiki vihela, puho! Mamaah, yami! Vakiko navahaka chivezu chavo hali vakiko. Mwomwo ya vikungulwilo vyavo, vakiko ngwavo, “Kachi ove mulinga *chize*, fuma ove. Ngunatachikiza ove uli muthu wamwaza, kaha etu twakuzanga ove,” kaha ikiye napu muthu wamwaza, “etu twakuzanga ove. Oloze ove kaweshi kuhasa kunangula chizeko. Kunangula chetu—chetu kuhanjika ove kaweshi kuhasa kulinga ngachizeko. Ndotolo *Munganji mukananga* ambile ngwenyi eyi ikiko jila ili. Jino ove watela kufwelela echi muli eyi jila, kachi ove nautwama nayetu. Jino, kachi ove unatondo, Ngunatachikiza ove wapwanga na lwola lwalunene, chamwaza, Nanguya nakumona kachi Kangweshi kuhasa kukuhana ove lisesa, pamo kwalumuna mauka.” Mamalelo, enu Mbalamu! Omwo enu munatachikiza pungu ya Kalunga, enu munachivwishisa! Kalunga keshi kuya na kwalumuna vishinganyeka Vyenyi. Nduma.

148 Chumachimwe chize ikiye ahashile kuhita, Muchano, kutuma chenyi. Ikiye ambile ngwenyi, “Chamwaza, Nanguya—Nanguya nakweseka cheka.” Talisenu uze Mbalamu ali kuze.

149 Shikaho jino anuka, omwo ikiye ejile ufuku wamuchivali, na kulemesa chachinene, apwile lyehi na chivezu chakulondamana kaha chaumama, Kalunga amwechele ayenga. Jino, Kalunga kanda lyehi alumune vishinganyeka Vyenyi, oloze Ikiye amuhanyine pungu Yenye yakwitavila. “Yako kulutwe jino.” Oloze ikiye awanyine nge kacheshi kuzachiwako.

150 Kalunga atachikijile chuma muka chapwile mumuchima wa Mbalamu. Chipwe ikiye apwile kapolofweto, Ikiye atachikijile vamujinjile vakakulyalanga vakujila, kaha ikiye—kaha ikiye kupwa kaha...ikiye—ikiye apwile nakuya nakutonda kuvangula vakiko, mwosena omwo. Kaha Kalunga amulwekele kanda kulichilingako, oloze ikiye ejile, atondele kuchilinga, cheka, shikaho Kalunga amwechele atwalilaho. Kalunga ambile ngwenyi, “Yako lika kulutwe.” Jino, anuka, Ikiye kanda lyehi alumune vishinganyeka Vyenyi.

151 Talisenu, chapwile kufwila chenye chenye kuvasshinga. Vaze vathu avulukile kupwa vileya, ikiye atondele kuvangula. Ikiye atondele chihela. Ikiye katondele chileyako, shikaho ikiye ashinganyekele kachi ikiye nahase kulinga mwamundende hali mwangana, jino ikiye mwaya nakumukulisa. Kalunga kanda lyehi alumune vishinganyeka Vyenyi mokomoko Lizu Lyenyi.

Oloze Ikiye mwaya nakukuhana kufwila cha muchima wenyi, mumuchima wove. Ikiye ashikile chize. Ove unatachikiza chize? Ikiye ashikile kuhana ove kufwila cha muchima wove. Kaha echa kufwila chove chipwenga Lizu Iya Kalunga. Echa

kufwila chove chipwenga punga Yenyi, keshi punga yove iveneko. Punga yenyi! Kachi Ikiye...Ove muhule Ikiye ha chumachimwe, Ikiye keshi kuhasa kuhana kuli oveko, hanjika, “Ngwakusakwilila Ove, Mwata. Ove unatachikiza kuwaha muka.”

¹⁵² Tala hali Hezekiya, omwo Ikiye atumine uze kapolofweto kuze kuli ikiye, Kalunga alingile, kaha ambile ngwenyi, “Haka zuvo yove muchiyulo. Ove muya nakufwa.”

Hezekiya atalishile meso eyi kumbango kaha alilile chikuma, kaha ambile ngwenyi, “Mwata Kalunga, Ngwa—Ngwalombo Ove kutachikiza yami. Ngunatambuka kumeso Ove na muchima wakukupuka. Ngwatondo Ove ungwechele yami kuyoya ha myaka fifiteni kushimbula.”

¹⁵³ “Chosena chakwoloka.” Kalunga ahanjikile kuli kapolofweto, ngwenyi, “Yako kunyima na kumulweka ikiye Ngwamwivwile ikiye.”

Kaha chuma muka ikiye alingile? Ikiye anehele sonyi hali lifuchi lyosena. Ikiye avwunyine utenu wa Kalunga palanga Ikiye kachi amujihile. Echi chakwoloka. Munatachikiza chize. Kulimbuka hali Kalunga. Echi nachiya nakupwa chamwaza, kufuma, lifuchi, mwangana, na vosena, kachi ikiye ayile na kumbata chuma cha Kalunga chatete kuli ikiye.

Oloze chasolokele chachikalulu kuli kapolofweto, omwo kapolofweto atelele kukinduluka na kuhanjika Lizu lya Kalunga kuli ikiye, hanyima ikiye amulwekele ikiye. Oloze Kalunga ngwenyi, “Yako kulutwe.” Oloze, mwamono, chanehele sonyi.

¹⁵⁴ Chuma muka Mbalamu alingile? Hanyima yakutachikiza punga ya Kalunga, kaha ohonyi ikiye apwile wakukakachila, ikiye apwile nakuya nakuchilinga, mwosena omwo. Kaha chuma muka chalingikile? Talisenu. Ikiye kalumukile vishinganyeka Vyenyi. Ikiye atachikijile chuma muka chapwile mumuchima wenyi.

¹⁵⁵ Munatachikiza, Thomas, lwola lumwe ikiye kahashile kufwelela echiko. Nduma, ikiye—ikiye ambile ngwenyi, “Nawcha, Kangweshi kuhasa kufwelela chizeko. Kachi Ngunambata livoko lyami na kulihaka kusali Yenyi, kuhaka mujimbambo ku mutwe Wenyi, chamwaza, kahajino, kahajino Nanguya—Nanguya nakufwelela echi jino.”

Ikiye ngwenyi, “Twaya kuno, Thomas. Talenu? Jino haka mavoko enu muno.”

Jino, mamalelo, Thomas ngwenyi jino, “Ali Mwata wami na Kalunga kami.”

¹⁵⁶ Ngwenyi, “Eyo, ove unamono, kaha jino ove wafwelela echi. Omu fweto yayinene yavo, kanda lyehi umone na kufwelela!”

Vathu lwola lumwe kaveshi kutambula Shipilitu Wajila kuvangila vakiko navahanjika malimi. Ngwafwelela

mukuhanjika malimi, punduvene. Ikiye apwa Kalunga wamwaza; Ikiye mwaya nakukuhana kufwila cha muchima wove. Oloze chipwethuhu ove muhanjika ngachilihi mumalimi, na kukana eli Lizu, ove unahenge mwosena omwo. Talenu? Talenu, enu kamwatela kuya nakuhanjika mumalimiko. Enu yenunga mukulama kala Lizu. Echi chinapu chinjikizo cha Shipilitu Wajila, omwo enu mwafwelela eli Lizu lya Kalunga. Talenu?

¹⁵⁷ Ngwafwelela mukuhanjika mumalimi. Ngwafwelela enu munahase kuchiyoyesa, nge omu Ngwahanjikanga chimene chino, palanga nomu namuya nakuhanjika na lilimi lyalihya. Nguli, amilyavene, kaha Ngunatachikiza unapu Muchano. Ngunatachikiza unapu muchano. Oloze chize kacheshi chinjikizo, ove, nge ove unapu mwana Kalunga wakusakula. Talenu? Nduma, mukiko vene. Ikiye kahanjikile. . .

“Vavavulu navakeza kuli Yami na kuhanjika, ‘Mwata, kumana Kangwapolofweteleko na kulinga vyuma vyosena vyavinene mu Lijina Lyove?’ Ikiye mwaya nakuhanjika ngwenyi, ‘Fumenu kuli Yami, enu vakuzata mwa upapwoki, Kangwamitachikizako.’”

¹⁵⁸ Ove hanjika na malimi kaha jino kukana kupwa vakujimika mu Lijina lya Yesu Kulishitu? Chumachimwe chakuhenga kumwe. Eyo, mukiko vene; kala vyuma, kala jishimbi ja Kalunga ahanyine. Kuli chumachimwe chakuhenga. Tala kaha chivezu chove ove lyavene, kaha talenu chumamuka—talenu chumamuka Mbimbiliya yahanjika. Ngulweke yami chihela chimwe okwo muthuumwe vajimikile mu lijina lya “Tata, Mwana, Shipilitu Wajila.” Talenu? Echi kacheshi muzeko. Oloze, enu mwamono, lwola lumwe ha chivezu chenu chili, enu ngwenu, “Chamwaza. . .”

Ove ngwove, “Kalunga kuhanjika kuli pwevo hali omu vatela kulinga, keshi kuvwala jiputula na vyuma, oloze, munatachikiza, uze pashita ngwenyi. . .” Shikaho vakiko veji kumbatanga jila yawashi.

¹⁵⁹ Vakiko vanatachikiza omwo ahanjikile Kalunga hali echi Hano. Talenu? Punduvene, Kalunga ahanjikile ngocho.

Shikaho vakiko—vakiko—vakiko vanatondo kulinga echi, mwosena omwo, talenu. Vakiko kweseka kuwana lisesa. “Chamwaza, Ngwashingtonyeka chili chamwaza chikuma. Echi—echi kacheshi. . .Ize peho kaya nakushinjika. . .” Yaah.

Oloze Kalunga ambile kuli lunga kuvwala mwakuhandunuka kufuma kuli pwevo. “Kachi pwevo mwavwala uvwalo wakupandama kuli lunga, chapwile vishimashima kumeso Eyi.” Shikaho echi kacheshi chakwolokako, eyo, kaha ove kawatela kulinga chizeko. Nduma. Talenu? Shikaho, shikangaho, echi chakuhenga.

¹⁶⁰ Oloze, mwamono, vakiko kweseka kuwana lisesa, nge, “Ou Mwata angulwekele yami kulinga echi.” Kangweshi nakuhanjika nge Ikiye kachilingileko, oloze, tala, kacheshi pungu Yenji yakukupuka. Echi chatela kupwa pungu Yenji yakwitavila. Ove mutala chumamuka nachiya nakulingika? Nachiya nakulyenyeka lizavu lyosena. Nachiya nakwenyeka chilombo.

¹⁶¹ Talisenu hano, Kalunga kanda lyehi alumune vishinganyeka Vyenyi, Lizu Lyenyi. Oloze Ikiye apwa Kalunga wamwaza, kaha Ikiye mwaya nakukuhana kufwila cha muchima wove, chipwe chipwenga chakufumbukila pungu Yenji. Ove wafwelela chize?

Tala, Kalunga amulwekele Mose, “Ove yako kuze,” uze kapolofweto wakuwavisa. Ambile ngwenyi, “Yako kuze na kuhanjika kuli lize lilolwa.” Lize lyakuveta lyehi.

¹⁶² Mose ayile nakushikumuka kuze mumatoto, kumbata mukombo, kaha ambile ngwenyi, “Enu vakakulinga, kumana kuvangila tumitondele meya kufuma kulilolwa?” kaha kuveta kuli lize lilolwa. Aze meya kejileko. Ikiye avetele chize cheka; chejile. Chize chapwilenga chakulimbalaka na pungu ya Kalunga. Echi chahokwele kala pungu mu Mbimbiliya; Kulishitu atelele kuveta lwola lwamuchivali. Talenu? Kulishitu vamuvetele kamwe. Echi chahokwele pungu yosena. Oloze Ikiye amuhanyine pungu Yenji yakwitavila. Kahajino, hanyima, ikiye ngwenyi, “Talenu, etu tukwechi meya hali ove. Yaah, Ngwaminehelelewo, enu lizavu lya vakakulikanga!”

¹⁶³ Kalunga ambile ngwenyi, “Twaya kuno, Mose. Twaya kuno. Twaya kuno helu...Ove unapunga wakushishika ngamba.” (Nge mapwevo vali na tukukunya twakuzunduka, “Enu kunyina,” talenu.) “Tala kuze. Talenu lize lifuchi lya lushiko?”

“Ove Mwata!”

“Oloze ove kaweshi kuya kuzeko. Ove wambachile pungu Yami, kuze ku Lilolwa. Enu munatohwesa enu, talenu, kaha keshi Yamiko. Enu vamijilika enu vavene. Enu kamwalijilika Yamiko. Enu kamwalamine Lizu Lyami lyateteko, Chumamuka Ngwamilwekele enu kulinga.” Olozenyi, vize vimeya vyejile.

Ove unahase kuhaka mavoko hali vakakuviza kaha vakiko nakuyoya. Ove unahase kupolofweta, mokomoko kuanjika na malimi. Oloze, chuma chivene, kulama Lizu Lyenyi lyatete! Kalunga kalumukako vishinganyeka Vyenyi, sepa. Ove watela kulama kutuma Chenyi, pungu Yenji.

“Mamalelo, chamwaza, chize chapwilenga chavaze tumbaji.”

¹⁶⁴ Ikiye kalumukako. Kachi Ikiye hanga akwechi tumbaji, echi chinapu kutuma chochimwe. “Yenunga kukaye kwosena nakunangula Mujimbu wamwaza. Evi vinjikizo navikakavangiza vaze vakakufwelela.” Echi kacheshi kwalumukako. Ikiye keshi kuhasa kwalumukako.

Jino, enu munahase kuhanjika, “Chamwaza, Nangumilweka, echi kacheshi cha likumbi linoko.” Mamalelo, enu mwa Mbalamu! Mwamono? Talenu, Kalunga kalumukako. Ikiye apwa youmwe zau, lelo, na hayamyaka.

¹⁶⁵ Tala kaha hali Mbalamu lelo. “Mamalelo, Ngunatachikiza, mu Mbimbiliya vakiko vajimikile mu Lijina lya Yesu, oloze, tala, vathu vosena . . .”

Kangwalizakaminako vathu vanalingi ika. “Kakweshi Lijina lyekako mwishi ya Mwilu vanahane kuli vathu enu munahase kuvalwila.” “Kujimbangana shili, kuvangila kuhichila mu Lijina lya Yesu Kulishitu.” Chumamuka, mwawaha ngachilihi, chumamuka enub mwatela kulinga, chize kacheshi chumako. Eli linapu Lizu lya Kalunga lyatete; ove watela kutwama na Chize. Hee! Chosena chakwoloka.

¹⁶⁶ “Kwononoka ku Lizu Lyenyi lili lya mwaza kuhambakana mulambu.” Enu anukenu luze lwola omwo Saulu ejile.

¹⁶⁷ Mbalamu apwile na wana wa lufwelelo kaha atelele kuuzachisa mwakukupuka, Lizu lyatete lya Kalunga.

Malunga vavavulu muwande lelo, na mawana a kuka, vanahase kulinga chuma chochimwe. Malunga vavavulu muno, vathu kuhanjika mumalimi, vathu kupolofweta, wana, nakuuzachisa ha Wangana wa Kalunga, oloze vakiko kavachilingako. Vakiko veji kumbata . . . Kaha Kalunga eji kuvakisulanga, mwosena omwo, kutambula pungu. Oloze ha puho, na chiseke, vakakutoleka chauthu, kulanjisa utwatwa wavo, nge omu alingile Esau, talenu, alanjishile lizavu. Kulanjisa, nge Mbalamu alingile. Talenu?

Shikaho vavavulu vali nakulinga lelo chuma chochimwe. Etu tunatachikiza echi kupwa chakwoloka. Vakiko veji kulanjisa ngatwata wavo. Huu! Mapwevo kuhanjika nge Shipilitu Wajila, kuvwala jiputula; muthu kwitaviza vakiko mukachi ka muchima, mapwevo vakuteula jikambu mutumenga; kumeso kwakukwita ulombo, na mikukumba yakulifukula kuvwala. Chize chimbunji chachinene liuka lyapwaho lyehi.

¹⁶⁸ Kachi ove unatondo kutachikiza, mu ngolo ja milingu, lwola muka elu luli mu chisemunuino cha wangana, talenu kuze kuli va Yuleya. Tala omu va Yuleya vali, mwomwo vakiko vanapu lifuchi. Kachi ove unatondo kutachikiza okwo mafuchi ana kwimana, tala va Yuleya.

Kachi ove unatondo kutachikiza liuka kwimana, tala mapwevo. Tala ujila mukachi ka mapwevo, mwomwo ikiye ali wakwimanyinako cha liuka. Omu ove mumona kulyenyeka mukachi ka mapwevo, ove muya nakuwana kulyenyeka muliuka. Chuma ikiye ejile nakupwa, Yezevele wakukwita ulombo, mukiko vene liuka lyatela kwiza. Talenu? Jino, ou unapu muchano, kaha enu munatachikiza chize. Talenu? Kachi ove

unatondo kutachikiza okwo liuka lili, tala ujila mukachi ka mapwevo. Mwomwo, ikiye ali, liuka apwa pwevo.

Kachi ove unatondo kutachikiza kulava cha lifuchi, tala va Yuleya.

¹⁶⁹ Tachikizenu, nge omu ahanjikile Kalunga kuli Mbalamu, hanyima ya ikiye evwile kusakula chamuchano, Lizu, “Kanda kuyako.” Eyo, kahajino Ikiye amulwekele, hanyima ya Ikiye amwene mu—mu muchima wenyi, chuma muka chatela kulinga; Ikiye amuhanyine punga Yenyi ya kwitavila, shikaho Ikiye ambile ngwenyi, “Yako.”

¹⁷⁰ Kaha ove unahase kulinga chuma chochimwe. Kachi ove kawazangile kutambuka mu Muchano, ove unahase kuya na kupwa na—na mulimo waunene. Punduvene, ove unahase. Oloze ove uli nakumbata punga Yenyi yakwitavila. Ove uli nakutambuka ha Lizu Lyenyi. Ikiye mwaya nakufukila, punduvene. Chize. . .

Chochimwe nge omu Ikiye alingile na Mbalamu. Ikiye apwilenga kuhasa, oloze ikiye kahashile kwangula vathu kanako. Ikiye kahashile kuchilingako. Mwomwo, lwola lwosena ikiye aputukile kwangula, ikiye akiswile. Talenu, ikiye kahashile kuchilingako. Oloze omwo ikiye ejile nakupwa wakufukila mukuhasa chenyi, ikiye anangwile vaze vathu, kuhichila mu Mbalaka, kulinga ujila. Ikiye anehele muchilombo cha Isalele nakuvambata, ngwenyi, “Mwomwoika, etu twapwa vosena. Mwomwoika, ove unafukwile Kalunga youmwe. Etu tukwechi kapolofweto hano, kaha ove ukwechi kapolofweto kuze. Kaha etu tuli na mulambu woumwe, Yehova youmwe nge vakakuluka jetu. Jino, mwomwoika enu vosena twayenu na kulinunga nayetu?”

Eyi Mbimbiliya ngwayo, “Kanda kulinunga ove lyavene mukachi ka vakakuzeneka kufwelela. Kanda katoka na vakiko ko, numba mumwe. Kachi vakiko kaveshi kufwelela Echiko, fumako kuli vakiko.” Talenu? “Lovokenu, pwenu vakuhandunuka,” mukiko mwanambe Mwata, “kaha Nanguya nakukutambula.” Talenu? “Kukwata vyuma vya majilo.” Echi chakwoloka. Majilo avo hali eli Lizu, na vyuma nge ngachize, fumenu kuli echi. Kanda kwivwulila kuli echiko.

¹⁷¹ Kaha hano etu tunawane nge Mbalamu ayile kuze kaha aputukile kutangisa vathu, kaha ikiye apwilenga na kuhengesa. Kaha ikiye—ikiye alahile mujila ya Mbalamu, omu alingile ikiye, na kunangula Mbalaka, kaha vana va Isalele valingile ujila. Kaha musongo kuveta mulifuchi lya Isalele, vathu, kaha masauzande avo kufwa mulikumbi limwe.

Kaha shimbu vakiko vapwile kuze, shimbu kanda kamenga ka Kalunga, kulomba, hano kwejile lunga wa Isalele na pwevo waku Palian, pwevo wa chikungulwilo, kaha ayile nakwingila mumbalaka. Kaha mwana kapilishitu atambukile nakuya kuze,

kaha ambachile vangulu na kuvajiha vosena vavali. Kaha uze atwamine utenu wa Kalunga. Munatachikiza echi chinapu Chisoneka. Echi chakwoloka? Talenu?

¹⁷² Oloze chumamuka chasolokele? Mbalamu, ikiye ashile mukuzeyesa Isalele. Chumamuka ikiye alingile? Ikiye azeyesele chilombo. Kalunga amwechele ikiye ayenga na kuzeyesa chilombo, kaha a chenyekele chilombo chosena.

Kaha omu kunangula chimwe kuputuka, chize kacheshi Muchano wa Mbimbiliya ko, chinapu kwenyeka chilombo chosena. Muthuumwe kukatuka na chishinganyeka chakuhandunuka, nge Derah, na kuhanjika, “Chamwaza, *echi, chize*, kaha *chikwavo*, kaha Ngukwechi chishinganyeka chakuhandunuka,” chakwenyeka lilombo chosena. Kaha chize chikiko chinalingika muliuka lyosena muchilombo lelo. Echi chakwoloka.

¹⁷³ Kunangula nge omu ikiye alingile, kuzeyesa chilombo chosena haze ka Kadesh-barnea, lize Lizu kulihwilwisa hamavu. Omu vakiko vahetele ha Kadesh-barnea, jino, kuzeyesa chize chilombo. Vakiko vakindulukile. Vakiko vayile hanyima. . .

Anuka, vakiko valile kulya cha vangelo. Vakiko vapwile na Lizu lya Kalunga, ufuku wosena, kulisolola. Kaha vakiko kulya. Vakiko veji kunwanga kufuma ku lilolwa. Vakiko valingile vyosena, kumona vikomwesa. Vakiko vamwene Mose, kaha kumona lizu lyenyi, kumona maupolofweto enyi, vyuma vyosena.

Kaha jino makumishilo omwo vakiko vevwililile kuli ou mulongeshi wa kwonga, kwiza mukachi kavo na kunangula mwakuhenga, ikiye kuzeyesa chize chilombo, kaha afukile ha chikiko.

Ikiye pamo atungile jizuvo ja miliyoni. Ikiye pamo apwilenga na vikungulwilo vyavinene. Ikiye pamo nahase kuhaka kapapa masauzande na masauzande, kaha kulinga milimo yayinene, kaha milimo yayinene, kaha apwilenga kapolofweto. Echi chosena chakwoloka, oloze, kachi kaha kacheshi na Lizu lya Kalunga, ove watela kutwama nakufumako.

Kalunga kalumukako vishinganyeka Vyenyi. Twama mwakwoloka na Lizu Lyenyi, mwomwo chize chikiko nachiya nakulovoka kumakumishilo, eli Lizu, Lizu ha Lizu. “Wosena mwakafumisa Lizu limwe kulifumisa muli Echi, mokomoko kuhakako lizu limwe kuli Echi!” Echi chatela kutwama, lize Lizu.

¹⁷⁴ Jino ivwulilenu kanawa jino. Omwo eli Lizu kweseka kwiza, omwo vakiko vayile na kumona kuhonesa chachinene, chize kufumbukila chachinene chize vakiko vamwene, vaze Vamalake vapwile—vapwile kuvula kapapa kalikumi hali vakiko. Vakiko ngwavo, “Etu twasoloka nge vambimba. Vimbango vyavo, mokomoko jimbongi javo japwile muvimbango palanga vakiko vapwile nakulahisaho matemba nakujujnguluka, matemba avali,

nge omu vakiko vanahase kuya, nakujinguluka jimbango, talenu, jize jimbongi javo. Mwomwoika, makunga avo apwile mujila, vakiko vali vakushimbula. Kaha vakiko vanapu vakutaluka. Mwomwoika, etu twasoloka nge tuvambimba. Etu katweshi kuhasa kuchilingako.”

Kaha malunga vavali vemanyine ha Lizu, Kaleve na Yoshiwa, ngwenyi, “Vandamina munyutu kaha! Enu vathu tu miliyoni vasokele munyutu kaha. Etu tunahambakana kuhasa kulinga chize. Talenu, etu tunahambakana vakiko.”

Chuma muka vakiko vali nakukundamina? Kalunga ngwenyi, “Ngunakuhane ove lifuchi. Lili lyove.” Kaha haze vakiko vemanyine. Oloze vathu vapwile vakumbachile muli vakiko, mukachi kavayuma vimwe, kaha miyachi yosena ya jishimbi javathu na vilika mukachi kavo, kaha vakiko kupwa kaha vakuzeya, vambwembwele, kavatachikijileko najila muka yakwalumukila kaha chumamuka chakulinga. Echi chakwoloka. Kwejile Lizu kweseka.

¹⁷⁵ Olozenyi, Ikiye akuhana lisesa lyakulinga, kwitavila punga yove, punga ya kwitavila, kutachikiza nge. . . Chumamuka chili mumuchima wove, Ikiye atachikiza echi.

Enu ngwenu, “Chamwaza, Ndumbu walunga Branham, Ngweji kulinga *munganji mukananga*. Echi kachanguzakamakoko. Kalunga eji kungukisula yami hakumbi hakumbi. Nguli nakwimba mu Shipilitu. Ngwakinyine mu Shipilitu. Ngwa. . .” Ikiye mwaya nakwitavila echi. Yako lika kulutwe. Echi chakwoloka. Oloze nauya nakulinga ika?

¹⁷⁶ “Ngweji kuvwala jiputula, kaha Nangulinga *echi*. Echi kacheshi kunguyanjisa yamiko. Ngunatachikiza lufwelelo lwami luli muli Kulishitu, keshi omu Ngweji kuvwalako.”

Oloze, eyi Mbimbiliya ngwayo kuli chuma chimwe kuli echi. Talenu? Nauya nakulinga ika? Ove muya nakutunga chimbuji, nge muze alingile Mbalamu, kumeso a mapwevo vakwavo. Nauya nakulinga ika kuli vanyike vamapwevo? Ove muya nakupwa na lizavu lya Ricketts, echi chili vene chakwoloka, lizavu lya va kakufunda va Yezevele. Talenu?

¹⁷⁷ Oloze Kalunga mwayafukile ove. “Mwomwoika, Ikiye nangukisula.” Kangweshi kukakasana chizeko. Ikiye akiswile Mbalamu, nawa. Talenu? Punduvene Ikiye mwaya. Enu muli nakutambuka mu punga Yenye yakwitavila, keshi punga Yenye yakukupuka. Kalunga kalumukako vishinganyeka Vyenyi, mwomwo Ikiye mwakukisula.

Ikiye akiswile Isalele kufuma haze mummyaka fwote. Chumamuka vakiko valingile? Vambachile mapwevo, vakulishile jitanga, vakiswile vana vavo, vafwetele chamulikumi, vayoyele mwakwoloka kuze. Kaha Kalunga avakiswile muzevene mupambo, kuvalisa na mana, lika na lika. Kaha vosena vase vanonge, mwomwo vakiko kavakanyine

Chenyi chatete, kwitavila...punga Yenyi yatete, Lizu Lyenyi. Vakiko vambachile jila Yenyi ya kwitavila.

¹⁷⁸ Twalilaho kuya kulutwe, oloze, enu anukenu, omwo vakiko vasele Kadesh, vakiko kanda lyehi vazauke nakuya kulutwe. Vakiko vayile kaha nakujujuluka, muze mupambo. Kulihi, vakiko kachi vapwilenga, mumakumbi avali hanyima yachize, vakiko kachi vapwilenga mulifuchi lya lushiko. Vakiko vatambukile mumyaka fwote, kaha vosena vafwile oloze Yoshiwa na Kaleve, vaze vatwamine ha Lizu lya kumaputukilo.

¹⁷⁹ Ove Kalunga, tukafweko. Kalunga kalumukako punga Yenyi. Ikiye kalumukako vishinganyeka Vyenyi, oloze Ikiye mwaya nakukisula.

Punduvene, Ikiye amukiswile Mbalamu. Kaha chuma muka ikiye alingile kuze? Ikiye apichile chize chilombo chosena. Talenu, enu mwatela kutwama hali vize Ikiye ahanjikile. Ikiye kanda lyehi alumune punga Yenyi yatete.

¹⁸⁰ Jino tala hali Mbalamu lelo, muwande, munahase. Kutala nakujujuluka. Kusakisa, kuhanjika mumalimi, punduvene, kuzachisa wana wa Kalunga wakuhema, vyuma vyosena, pundu. Oloze eji kujilula liuka lyosena lya Kalunga na kunangula chavo. Echi chakwoloka.

Umwe ahanjikile kuli yami, ikiye ngwenyi, “Chuma muka ove *uli* nakulinga echi? Chuma muka ove *uli* nakulinga?”

Ngwambile ngwami, “Kanda ove wafwelela nge Ou unapu Muchano?”

¹⁸¹ “Mamalelo, eyo. Oloze,” ikiye ngwenyi, “ove unatachikiza ika? Chize kacheshi kusekasana chove ko. Ove watela kulombelela vakakuviza. Vakiko vafwelela ove kupwa kapolofweto. Mwomwoika, ove unahase kunangula vaze mapwevo mwakulingila, kaha vaze malunga, omu mwakulinga *echi*, *chize*, na *chikwavo*.”

“Nauya ngachilihi nakunangula vyavinene nge vakiko kavajiva na AEI? Huu? Huu? Nauya ngachilihi nakuvanangula vyuma nge vakiko kaveshi nakumba kupwa namango yatete?” Talenu? Ove watela kwiza nakukinduluka na kuputuka kuze ove waputukile, mokomoko kulihi ove wasele, kaha mbata Lizu lyosena lya Kalunga.

¹⁸² Tala kaha hali echi muwande lelo. Nge Mbalamu ambachile muliuka lya Kalunga, lihule, ambachile lihule mu liuka lya Kalunga, shikaho ava vakakunangula vakwonga lelo kweseka kumilweka enu. Vakiko kuya nakumbata vosena vaze vamu chikungulwilo kaha vaze vathu kwingila muli uze kashinakaji lihule wamu Kusoloka 17. Kunangula chavo cha Mbalamu kuya nakujujuluka lelo, na kuhanjika, “Etu tuli chochimwe. Etu twapwa Vakakulishitu vosena.” Kaha tupilishitu na popu, na kala mwosena, kulivwasana na kulinga echi.

¹⁸³ Uze mukakunangula ambile ngwenyi. . . Chipwe Ngunatachikiza mukakunangula Chipendekosita, vosena vavo, kuputuka jino kuhana mbolo. Kulumbununa, Nge *ukenya*, “kakweji,” kambolo. Hanjika, “Soka meso ove na kumbata echi, kachi echi nachikukolesa chivezu chove.” Soka meso ove? Kaze kambolo kamujingulula, chumamuka chalumbunukila? Etu tuli nakumbata mujimba wakuwokoka, Yesu Kulishitu, wakuwokoka; keshi nge kakweji wa Kalunga, Nge uhandu, uze Maliya ambachile chihela. Kaha kambolo ka Chiloma kamujingulula, kwimanyinako likombelo kalunga kakweji, likombelo, keshi kalunga. Etu tuli na vakuwokoka, punduvene. Mamalelo!

¹⁸⁴ Shikaho jino uze lihule wamunene wa Kusoloka 17, vase va Mbalamu na kunangula chavo chakwonga, kumbata liuka kulingisa muvyuma vimwe vyamajilo. Tala omwo chejile nakusoloka kusongo ya lwola, tala kuzeya chacho jino. Nayini handulendi na chumachimwe vikungulwilo vya kuhandunuka, umwe kukoka jila, kaha umwe mweka. Kakweshi kulinunga mukachi kavo. Kaha vakiko vali nakweseka kuneha kulinunga; keshi kuvakindulwisa ku Lizu lya Kalunga, punga ya Kalunga yatete. Vakiko vali nakumbata echi mu milingu na chikungulwilo.

Kalunga kalumukako vishinganyeka Vyenyi. Ikiye atwamine na Lizu Lyenyi. Ikiye ngwenyi, “Melu na mavu nawakahita, oloze Lizu Lyami kalyeshi kuhasako.” Echi chakwoloka. Ikiye atwamine na Lizu Lyenyi lyatete. Mamaah, yami!

¹⁸⁵ Chipwe vakiko hanga vashinganyeka mwakuhenga hali Echi, kupwa nge vakiko omu valingile, kaha kupwa. . . Kuli kaha chuma chimwe chakulinga. Ikiye keshi kuhasa kwalumukako Echi. Fwelela kaha. Mwomwo, melu osena na mavu nawakaya nakuhita; Lizu Lyenyi kalyeshi kahonako. Talenu?

¹⁸⁶ Ove kumona kuli ove unanyi nakumbachila? Talenu milingu na vyuma, omu vakiko vali nakweseka kulinunga na liuka hamwe ha milingu muliuka? Etu katweshi kulinunga na Kulishitu ha milinguko.

Etu tunalinungu na Liuka, kuli Kulishitu, ha lujimiko lwa Shipilitu Wajila. Kaha mujila enu munatachikiza lujimiko lwa Shipilitu Wajila, chili mwomwo Shipilitu muli enu kusolola kala Lizu lya Kalunga kupwa Muchano. Echi chakwoloka. “Mwomwo wosena mwakafumisa Lizu limwe kulifumisa muli Echi, mokomoko kuhakako lizu limwe kuli Echi, chihanda chenyi navakachifumisa mu Mukanda wa Kuyoya.”

¹⁸⁷ Ohonyi, “Ikiye mukakusonga,” ove ngwove. Ove kaweshi kuhasa kufwelela Chize ha kufukila. Ove kaweshi kusopesa Kalunga hakufukila. Kaye kufukila. Mbalamu afukilile hali chize.

Oloze, ndumbu walunga, ove musopesa Kalunga ha Lizu Lyenyi. Ikiye alama Lizu Lyenyi na kusolola Echi kupwa Muchano. Shikaho, anuka, sepa, kachi kaha ove muyoya, kanda kuvulyama echiko: Kalunga kalumukako vishinganyeka Vyenyi. Oloze, Ikiye mwaya nakukisula. Ikiye mwaya nakukwechela ove uyenga punga Yenji ya kukwitavila, oloze Ikiye keshi kuhasa kwalumukako muvishinganyeka Vyenyi. Ikiye keshi kuhasa kwalumuna punga Yenji. Ikiye keshi kuhasa kwalumuna Lizu Lyenyi, hali ove. Nduma, mwane.

Ove watela kwalumuka. Ove kaweshi kuhasa kupwa na Lizu lya Kalunga kukutambukila chove; ove watela kupwa na kuhitamo lyehi ku Lizu lya Kalunga. Talenu? Omu mukiko mujila enu mukwechi. . .

Ove ngwove, “Chamwaza, Yami ngu muthu wamwaza. Kalunga eji kuchilinganga *echi, chize*, mokomoko *chikwavo*.” Oloze ove mulama Lizu Lyenyi? “Mamalelo, chamwaza, Nangumilweka, echi kacheshi. . . Naw.” Chosena chakwoloka, kuli chumachimwe chakuhenga kumwe. Kalunga ali nakuya. . . Eyo, Ikiye mwaya nakukufukilako. Punduvane, Ikiye mwaya nakukulingisa ove. . .

¹⁸⁸ Evi vikungulwilo vili nakufukila kulihya atela kupwa! Vakiko kutanduula jimbakava javo, jajinene, mauka amwaza, kaha vyumavyosena, kuhita mwosena mulifuchi. Vakiko kupwa naluheto, kaha mali kuhingunuka nakwingalomo, kaha mamembala kufuma kwosena. Kumana eyi Mbimbiliya kayahanjika, “Kuze vamuwanyine ikiye kupwa naluheto lwa kaye, kaha na myono ya muthu,” kaha vyuma vyosena, vize vyapwilenga muli uze lihule wamwaka, uze naye ya vyuma vyosena, milingu na chikungulwilo?

¹⁸⁹ Oloze lizavu lya Kalunga lyalindende lili Mwenga Wenyi, hali eli Lizu. Echa ove Tata wa Mwilu kukulingisa kupwa wakuzama haze vene. Kanda kufuma kuli eli Lizuko.

Ove unahase kukisula, ove echa. . . Kalunga nahase kuka vakakuviza. Ikiye nahase kukuka kema yove. Ikiye nahase kukuka lunga lyove, pwevo lyove. Ikiye nahase kuka mama yove, muthuweka. Ove unahase kutumbuka hali Shipilitu Yenji, na kukina na hamavu.

Anuka, kunoka chavula hali vakakwoloka nakakuzeneka kwoloka, kupwa chochimwe. Oloze omu ize mbuto ili haze, nayipwa chipwe yakutongola mokomoko keshi yakutongolako. Kaha kachi vanachitongola, chinahase. . . Kachi ili tiliku, yatela kuneha tiliku. Kachi lili Lizu lya Kalunga, lyatela kuneha Lizu lya Kalunga. Kachi echi kacheshi, chamwaza, kahajino kacheshi ngochoko. Talenu? Enu mukwechi echi jino?

¹⁹⁰ Ou Mwata amikisule. Hano Ngwamilwekanga Nanguya nakwecha naine koloko, kaha hano echi chili, minyutu twende palanga teni. Vathu vavavulu, mujijila ja kuya. Ngwakuzanga.

Kaha mulonga Ngwakukwate ove nge ngana, kacheshi mwomwo Ngwatondo kupwa waukenya kuli ove, oloze Ngwakuzanga. Kaha chuma Ngunatachikiza, Kangweshi kuhasa kulinga chuma chimweko; Nangumilweka Muchano.

¹⁹¹ Kulovoka mukuliwana kuze Ngweji kuyanga, enu kanda mungwivwe kunangula Mijimbu. Nduma, Ngwakushikile ove, kwiza kuli ino mbalaka. Hano vene hakiko Nangunangula Mijimbu yami kufuma. Ngukwechi seli mokomoko fwo hano, nge Mwata nanguhane yami, Ngukwechi Visoneka hali echi, nge Kangweshi kuhasa kunangula echi kwosena oloze hano vene. Hano hakiko hali eli Lizu Iya Kalunga Iyaputukile kuya. Kaha, palanga Kalunga kwalumuka, Nguli nakutwama hano na kuneha echi hano vene. Echi chakwoloka.

Kuze kukuliwana, Ngwalombo hali vakakuviza, kaha vyuma vyosena nge ngachize; kaha, kusali, kuhanjika vyuma mu jila yakujinguluka, nge mukoko kwivwa echi. Vakiko vanatachikiza chuma muka echi kuhanjika. oloze, echi chilin kaha kupwa ndulo kuulovo, enu mwamono. Ngunasolola vinjikizo vya—vya kweseka kusolola nge Kalunga natachikiza, mukutachikiza, kaha natachikiza michima ya vathu, na kulinga vyuma kana. Uze ukiko wana mukakwambulula mujimbu wamwaza, eji kusungamisanga vathu.

Chumachimwe chatete mwatela kutachikiza, tepu kuholokela muzuvo yavo. Vaze navapwa nayo, jino. Kachi ikiye napu mukoko, ikiye mweza na echi. Kachi ikiye napu pembe, ikiye mwafumisa ha tepu. Huu-hu. [Ndumbu walunga Ben Bryant ngwenyi, “Kaha ove, nawa.”—Muka.] Enu mwamono, chize. . . “Kaha enu, nawa,” echi chakwoloka, Ben. Chize, echi chili vene chakwoloka. Ben apwile na kuhitamo lyehi. Chosena chakwoloka. Chamwaza, echi chakwoloka.

¹⁹² Ove kawawahilileko nge ove unapu Chenyi? Kumana ove kawawahilileko? Etu twapwilenga nakwimba mwaso waundende wa Chipendekosita, lwola lwalusuku, nge:

Ngunawahilila chikuma nge Mwata angunehele;

Ngunawahilila chikuma nge Mwata angunehele;

Kachi kachapwile cha Yesu ko, Nanguya nakupwa ngachilihi?

Ngunawahilila chikuma nge Mwata angunehele.

Mamalelo, Ngunapunga wakuwahilila kufuma kuli Mwata angunehele;

Ngunapunga wakuwahilila kufuma kuli Mwata angunehele;

Kachi kachapwile cha Yesu ko, Nanguya nakupwa ngachilihi?

Ngunawahilila chikuma kufuma kuli Mwata angunehele.

Ngunapunga nakutambakana kufuma haze Mwata angunehele;

Ngunapunga nakutambakana kufuma haze Mwata angunehele;

Kachi kachapwile cha Yesu ko, mamalelo, Nanguya nakupwa ngachilihi?

Ngunawahilila chikuma nge Mwata angunehele.

Upahu! Ove kawawahilileko?

Ove kawawahilileko . . .

Echa twimbenu.

Ove kawawahilileko nge Mwata akunehele?

Ove kawawahilileko nge Mwata akunehele?

Kachi kachapwile cha Yesu ko, mamalelo, Nanguya nakupwa ngachilihi?

Ngunawahilila chikuma nge Mwata angunehele.

Chamwaza, Ngunapunga nakwimba kufuma kuli Mwata angunehele;

Ngunapunga nakwimba kufuma haze Mwata angunehele;

Kachi kachapwile cha Yesu ko, mamalelo, Nanguya nakupwa ngachilihi?

Ngunawahilila chikuma nge Mwata angunehele.

Kumana ove kawawahilileko hali echi? Kahajino *Etu natuya Nakutambuka Mu Kumunyika*. Ove unatachikiza uze mwaso?

Etu natuya nakutambuka mu Kumunyika,

Echi chinapu Kumunyika chamwaza,

Twaya kuze kuli mamata alyume a keke anatemwina;

Mwinyika vyosena hali etu ha likumbi na ufuku,

Mamalelo, Yesu, Kumunyika cha kaye.

Ove kawazangile chizeko? Echa twimbenu cheka.

Etu natuya nakutambuka mu Kumunyika,

Echi chinapu Kumunyika chamwaza,

Twaya kuze kuli mamata alyume a keke anatemwina;

Mwinyika vyosena hali etu ha likumbi na ufuku,

Mamalelo, Yesu, Kumunyika cha kaye.

Echi chinapu musana!

Enu vakakujila vosena mu Kumunyika,
 Yesu, Kumunyika cha kaye;
 Muchano na keke mu Lijina Lyenyi,
 Yesu, uze Kumunyika cha . . .

Jino echa twimike mavoko etu omwo etu natwimba.

Mamalelo, etu natuya nakutambuka muli
 echi Kumunyika, Echi chinapu Kumunyika
 chamwaza,
 Cheji kwizanga na mamata alyume a keke
 atoma;
 Mwinyika vyosena hali etu ha likumbi na
 ufuku,
 Yesu, Kumunyika cha kaye.

Limenekenu umwe namukwavo kulivoko.

Mamalelo, Echi cheji kwizanga kuze kuli
 mamata alyume akeke atoma.

Ove kawawahilileko ove kupwa vana va Kumunyika? Uze
 Mwana walunga ali nakukanduka.

. . . vosena hali etu ha likumbi na ufuku,

“Vana vavandende, zanga umwe namukwavo.”

Mamalelo, etu natuya nakutambuka mu
 Kumunyika, Echi chinapu chamwaza . . .
 (Kusoloka cha Lizu Lyenyi.)
 Twaya kuze kuli mamata alyume akeke atoma,
 Mwinyika kaha hali etu hakumbi na ufuku,
 Ali Yesu, Kumunyika cha Lizu.

Enu vosena mwafwelela echi?

Etu tuli nakufwola nakuya ku Zeyone,
 Chize chamwaza, Ziyone;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

Mamalelo, etu tuli nakufwola nakuya ku
 Zeyone,

Echa vase vanakane kwimba
 Hiya atachikijile Kalunga ketu;
 Oloze vana va Mwangana wa Mwilu,
 Kaha oloze vana va Mwangana wa Mwilu,
 Kaha vihanjike kuwahilila chikuma,
 Echa kuhanjika kuwahilila kwosena.

Mwomwo etu tuli nakufwola . . . (Upahu!)
 Chize chamwaza, Ziyone yamwaza;
 Mamalelo, etu tuli nakufwola nakuya ku
 Zeyone,
 Ize Mbongi yamwaza ya Kalunga.

Mamalelo, etu tuli nakufwola nakuya ku
 Zeyone,
 Mamalelo, yamwaza, Ziyone yamwaza;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

¹⁹³ Mbata lilesu lyove nakuya. Mbata lilesu lyove, mumunyutu kaha. Echa uhane Mwata mulambu wakuhwingisa. Echi kacheshi cha ikiye ko, oloze vakiko vafumishile kumijimba ya Paulu malesu na vyuma, talenu.

Mamalelo, etu tuli nakufwola nakuya ku
 Zeyone,
 Mamalelo, kuwaha, Ziyone;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

Mamalelo, etu tuli nakufwola nakuya ku
 Zeyone,
 Mamalelo, yamwaza, Ziyone yamwaza;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

¹⁹⁴ Amena! Mamalelo, kanda echi nachikulingisa ove kwivwa kanawa? Ngunahase kushinganyeka vaze vakakujila va mwaka kunyima kuze, shimbu akanda kuya nakwingila mu Chiloma kuze, kuputka kutambuka kunyina hapili, munatachikiza, kunyina hamulundu, kuya nakwingila muvandumba' muwina, kuhanjika:

Mamalelo, etu tuli nakufwola nakuya ku
 Zeyone,
 Eyi yamwaza, Ziyone yamwaza;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

Muwande wa Jiyone
 Masauzande ajisweet jakujila
 Shimbu etu natuheta Litanda Iya Mwilu,
 Shimbu etu natuheta Litanda Iya Mwilu,
 Mokomoko kutambuka mujila yaulu,
 Mokomoko kutambuka mujila yaulu.

Etu tuli nakufwola nakuya ku Zeyone,
 Echi chinapu chamwaza, Ziyone;
 Etu tuli nakufwola nakuya ku Zeyone,
 Ize Mbongi yamwaza ya Kalunga.

¹⁹⁵ Ngukavangizenu omu nangunya naku hanjika:

Mwata Kalunga, Ngwamushiki yami lyavene chachihya kuli Ove. Ngukose kufuma kuzeneka kwoloka chosena. Ngukose yami kufuma kukakasana mu Lizu Lyove. Echa yami, kufuma mu Paseka, kupwa tengeso yayihya muli Kulishitu Yesu. Echa ngutwame, mumuchima wami, Lizu Lyove. Echa Echi chipwenga

Linongo kumahinji ami kumunyikila mujila. Kufuma hano vene Nanguya nakukavangiza Ove. Mu Lijina lya Yesu. Amena.

Etu tuli nakufwola nakuya ku Zeyone,
Mamalelo, yamwaza, Ziyone yamwaza;
Etu tuli nakufwola nakuya ku Zeyone,
Ize Mbongi yamwaza ya Kalunga.

¹⁹⁶ Kanda kukulingisa ove kwivwa kanawa? Etu twamushiki etu vavene kupwa vavahya, kutachikiza nge michima yetu etu kupwa yakuhizumuka kufuma mukufwa, kuyilingisa kupwa yakuyoya. Kanda echi nachikulingisa ove kwivwa kanawa? Yami, mamaah, yami! Ngwakuzanga ove, na zangi yakuzeneka kufwa.

Ivwulilenu. “Zanga umwe namukwavo. Mwomwo ove kaweshi kujinda ndumbwove, ou uli nakumona, kaha kuhanjika ove wamuzanga Kalunga, Hiya ove kawamweneko.” Talenu? Shikaho zanga umwe namukwavo.

Kahajino, ove muzachila umwe namukwavo, ove muzachile Kalunga. Echi chakwoloka? “Omu nauchilinga kuli umwe wamundende najize Ngolo jakuhizumuna muli vakiko, ove unachilingila Yami.”

“Lwola muka twakumwene Ove uli nakutondeka? Lwola muka etu twakutambukilile Ove mukamenga? Lwola muka etu twalingile vyuma kana?”

“Chuma ove walingile kuli vakiko, ove walingile kuli Yami.”

¹⁹⁷ Echi kacheshi chamwazako? Ngwamuzanga Ikiye, keshi ngochoko?

¹⁹⁸ Mamalelo, kuli mwaso umwe waunene etu twatela kwimba, kachi ove ukwechi munyutu kaha. Mamalelo, chamwaza, etu natuya nakumbata vakiko. Chosena chakwoloka. Chosena chakwoloka, mwane. Mamalelo! *Mbata Eli Lijina Lya Yesu Na Yove*. Kanda kuvulyama echiko, masepa. Echa twimbenu jino. Wosena, hamwe jino, kupwa kaha na muchima waunene, kumbata kuli Ikiye. Echa, na etu vosena tukwechi muli etu.

Mbata Lijina lya Yesu na yove,
Mwana waushona na kuseha;
Echi nachikuhana kuwahilila na kuvendejeka,
Mbata Echi kwosena ove muya.

Lijina lya Mwaza, Mamalelo omwo lyayema!
Lutalililo lwa mavu na kuwahilila cha Mwilu;
Lijina lya Mwaza, Mamalelo omwo lyayema!
Lutalililo lwa mavu na kuwahilila cha Mwilu.

¹⁹⁹ Anuka jino, ngulombelenu omu kuyanjiwisa chapeho ya kuzuma kuhuhwa, omu maliyavolo kusali yosena kuhonowesa, Nanguya nakwanuka ove uli nakungulombelela ufuku mokomoko likumbi, kaha Nanguya nakumulombelela.

Imana na kafunga kove wamwaza, Ndumbu walunga Neville, na kuzachila hamwe, Ndumbu walunga Capps. Ivwulila kuli vakiko. Vakiko navaya nakukunangula ove eli Lizu lya Kuyoya. Ngwafwelela chize. Kachi Kangwafwelela echiko, Punduvene kangweshi kuhasa kupwa hanoko. Punduvene kangweshi kuhasako. Ngwafwelela nge vakiko vafwelela Mujimbu, kaha vakiko kutwama na echi kutesekesa na chinyingi chamwaza chavo, kaha Ngukwechi lufwelelo muli vathu vosena. Twama navakiko. Ava vandumbu vamalunga vakwavo, kuze vakiko vapwile nakuliwana chavo, chize chemananga hano uze ufuku, kachi enu muli kuno kwakamwihi, imanenu hamwe navakiko. Enu mwevwa lyehi ocho vakiko vejile hano, ufuku uno.

Mbata Lijina lya Yesu na yove,
Nge lukepwe lwakufuma kuli kala muheto;
(Ivwulila kuli echi.)
Omwo vyeseko kukujinguluka,
Hwima kaha chize kuhwima cha Lijina
mukulomba.

Lijina lya Mwaza, (Lijina lya Mwaza!)
Mamalelo omwo lyayema! (Ove omu
lyayema!)
Lutalililo lwa...

Kalunga Wamwaza, hindula ava vathu. Ngwalombo Ove, Tata, mu Lijina lya Yesu. Tuhanecho echi, Mwata, Ngwalombo.

... Omu chayema!
Lutalililo lwa mavu na kuwahilila cha Mwilu.
Palanga etu natukaliwana! palanga etu
natukaliwana!
Palanga etu natukaliwana kumahinji a Yesu;
Palanga etu natukaliwana! palanga etu
natukaliwana!
Kalunga apwenga na ove palanga etu
natukaliwana cheka.

Echa etu tunongame mitwe yetu jino.

[Ndumbu walunga Branham kungunguta *Kalunga Pwako Na Ove*—Muka.] Ove Kalunga, pwako nayetu. Tukafweko, Mwata.

...etu natukaliwana kumahinji a Yesu!
(Palanga etu natukaliwana!)
Palanga etu natukaliwana! palanga etu
natukaliwana!
Kalunga apwenga na ove palanga etu
natukaliwana cheka.

²⁰⁰ Echi chinapu muchano kulomba chami. Palanga etu natukaliwana cheka, Kalunga amikisule! Kaha jino Nguli

nakuya nakulomba Ndumbu walunga wamwaza Neville kachi ikiye mwaya nakumwanga echi chikungulwilo chamwaza.

Kalunga amizanga, enu vosena. Ngunapu wakusakwilila kuli vathu nge enu vosena. Mujimbu wami Uka kachi Kangweshi naumwe mwahona Kuufwelela? Kaha kuli vathu hano, ove muya nakufwa hali Echi, mwomwo ou Mujimbu etu tukwechi. Echa Kalunga akukafwa ove, muthu wosena. Kulomba chami chili na ove. Kukisula chami nachiya na muthu wosena. Echa ove uhone kuvulyama nge ove unapu chihanda cha kusanguka. Ngolo ja Ngolo jili jino muli ove. Echi chili chakuzama. Ove unapu mwana Kalunga.

Echa etu tunongame mitwe yetu, palanga Ndumbu walunga Neville mwakumwanga. Kaha Kalunga amikisule. 🐦

65-0418E Kumana Kalunga Nahase Kwalumuna
Vishinganyeka Vyenyi Ha Lizu Lyenyi?
Branham Tabernacle
Jeffersonville, Indiana U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org